

醫方類聚卷之三十三

傷寒門 七

傷寒百問歌 二

病有宜和不宜下

病有宜和須審訂欲下須得真下證熱深大

小承氣湯寸棗大胡下之正其或病淺當如

何只合調理令胃和調胃承氣并脾約小承

氣服不須多古言虛者補勿瀉叔和况有承

氣戒病欲下時不可輕湯液圓子宜曉解前集



云傷寒裏證須看熱氣淺深故仲景有宜下之如大承氣湯小承氣湯十棗湯大柴胡湯是也有微和其胃氣如調胃承氣湯脾約圓少與小承氣微和之類是也金匱玉函云虛者十補勿一瀉強實者瀉之虛實等者瀉勿大洩之王叔和序傷寒有承氣之戒又問轉藥孰緊荅曰大承氣湯最緊小承氣次之調胃承氣又次之大柴胡又次之仲景治法蕩滌熱積皆用湯液不得用丸子不可不知也

兩感傷寒

兩感傷寒少治法陰陽雙傳病俱發一日太陽兼少陰頭痛口乾煩滿渴二日陽明兼太陰譫語不食腹滿熱三日少陽兼厥陰耳聾

囊縮而發厥先用四逆救其內陽氣內正急救外救外莫若桂枝湯治有先後藥須對下

利身疼利不止此是南陽以意會前集有云

裏俱病也陰陽雙傳臟腑俱病此為難治六日而死矣仲景無治法但云兩感病俱作治有先後發表攻裏本自不同尋至第三卷言作寒下之後得下利不止身疼痛者當急救更宜四逆湯復身體疼痛清便自調者急當救表宜桂枝湯遂以意尋此依微治兩感有先後宜先救裏若陽氣內正即可醫也內才正急當救表蓋內尤為急才溫內則急救表亦不可雙傳用藥不作効深恐其人六日斃

壞證傷寒

壞證不知是何病傷寒不解人不醒已汗吐
 下及溫針其人已無柴胡證太陽病轉入少
 陽脇滿往來寒熱傷更兼嘔吐不能食脉如
 沉緊小胡湯胡柴湯壞證用藥匪容易病中又
 感不正氣當觀寒暑燥濕風隨時變遷詳證
 治尺寸俱盛重感寒此證當作溫瘧看陽脉
 浮大陰脉濡頭痛發熱在肌膚四肢不收常
 自汗此作風溫治必甦陽脉洪數陰實大滿
 體錦紋斑可怪再感溫熱而疾增此作溫毒

治方差陽脉濡弱陰絃緊重感疫氣成疾痰
 此證便作溫疫醫螢火等藥誠可準又有傷
 寒過經已再受熱邪蓄在裏病候多變久不
 安陰陽無復有綱紀此宜知母麻黃湯更兼
 驚甲黑奴類病後少氣虛吐逆亦名壞證竹
 葉石前集云又有傷寒過經再受熱邪留蓄
 臟腑病候多變久而不差陰陽無復綱
 紀及傷寒解後虛羸少氣皆名壞證傷寒也
 又云知母麻黃湯驚甲散黑奴圓檢方與病
 證相參選用之若傷寒解後虛羸
 少氣氣逆吐者竹葉石膏湯主之
 傷寒

傷寒太陽浮緊瀼惡寒無汗面慘色寒多熱
 少不煩躁四末微厥痛在脊其人無汗用麻
 黃輕者桂麻各半湯人參順氣蒼朮散葱豉
 麻葛皆妙方前集云傷寒之候發熱惡寒頭
 疼身體拘急是寒無汗寒多熱少面色慘而
 不舒腰脊疼痛手足指末微厥不煩躁何也
 此名傷寒也無汗宜發汗而解麻黃湯主之
 輕者只與桂枝麻黃各半湯雜方中參順
 氣散葱豉湯蒼朮散麻黃湯之熱多寒少尺脉遲建
 黃葛根湯可選而用之
 中加者多服之前集有云熱多寒少而尺脉
 遲者榮衛不足血少故也先
 以小建中湯加黃者最良不嘔清便當自愈
 尺脉尚遲者再作一劑

桂麻各半服亦宜脉若浮時可發汗脉弱無

陽桂越醫前集有云熱多寒少不嘔清便自
 可桂枝麻黃各半湯若脉浮者雖

熱多寒少自可發汗若脉弱者太陽適值利
 無陽也桂枝二越婢一湯主之

失血小劑頻頻服桂枝淋家衄家縱忌汗小

胡用之君勿疑前集云或太陽證宜汗而其
 人適失血及下利則頻頻與

少桂枝湯使體潤藥藥連日當和解又云假

如淋家衄血家法不可汗亦可以小柴胡之

傷風

傷風太陽脉浮緩寸大尺弱體自汗熱多寒

少而煩躁頭疼惡風手足暖如其有汗服桂枝脉緊無汗不可施病輕只與柴胡桂敗毒獨沾參用之前集云脉浮而緩寸大尺弱自汗體熱頭疼惡風熱多寒少其面光而不慘煩躁手足不冷者傷風也汗出惡風當須解肌宜桂枝湯主之輕者只與柴胡桂枝湯敗毒散獨沾散可選用之又云治太陽中風有汗用桂枝凡脉緊必無汗唯濡而緊即自汗却勿候用桂枝當用小項強建中湯須是脉浮而緩者方用桂枝也桂枝加葛理裏寒去芍加附子前集有云本風有濕開竅解肌蓋桂枝加葛根者謂中風有濕當加之取微汗者風濕去也又云裏寒者桂枝去芍藥加附子汗後汗甚為漏風桂湯裏寒不飲水是也

枝加附方可止前集云凡汗後汗不止為漏風桂枝加附子湯主之腹痛

痛太陰證已彰脉浮只服桂枝良腹滿桂枝

加芍藥痛甚桂枝加大黃前集云腹滿者太陰證脉浮者可服

芍藥湯微發汗腹痛者桂枝加傷寒傷風如

何辨惡寒惡風大略見風脉浮緩汗必出寒

脉緊澁而無汗太陽浮汗中風證脉緊無汗

傷寒患陽明中風必善飢不食傷寒便可斷

少陽中風兩耳聾目赤而煩胃痞滿如是傷

寒咽必乾更兼口苦而目眩前集云傷寒傷風何以別之傷

寒者脈緊而澁傷風者脈浮而緩傷寒者無汗傷風者有汗傷寒者畏寒不畏風傷風者畏風不畏寒又云太陽病必脈浮發熱惡風而增寒也惡寒者不當風自增寒惡風者當風緊無汗為傷寒易明善飢為中風不食為傷寒少陰兩耳聾目赤胃滿而煩陰陽傷風證為中風口苦咽乾目眩為傷寒相類陰必煩疼此為異

傷風見寒脈傷寒見風脈

風證惡風熱不散煩躁手足俱溫煖其人脈息浮而緊此是傷風寒脈現寒證寒多而熱少手足微厥無煩躁其脈診之乃浮緩寒見

風脈尤分曉大青龍湯皆主之蓋兼二證俱

能療脈似桂枝反無汗病似麻黃反躁懊然

須詳審勿妄投一悞汗多害不小前集有云中風見寒

脈傷寒見風脈宜服大青龍湯蓋大青龍證脈似桂枝反無汗病似麻黃反煩躁是也大青龍湯治病與麻黃湯證相似但病重而加煩躁者用大青龍湯也以其風并傷寒俱盛故青龍添麻黃作六兩又似合桂枝湯藥味在內添石膏所以為緊此治榮衛俱病若證不審悞用大青龍則發汗多傷人又云風傷衛者病在皮膚之間也以衛行脈外為陽主外皮膚之間衛氣之道路故也其病淺寒傷榮者寒氣中於肌肉也以榮行脈中為陰主內肌肉之間榮氣之道路故也其病深所以桂枝與麻黃所施各異戒勿悞用傳景云

脉微弱汗出惡風者不可服青龍服之則厥逆

熱病

熱病肌熱夏為病惡寒頭痛脉洪盛身體肢節重且疼病狀全似傷寒證無汗麻黃有桂枝煩躁大青乃相應此藥到夏加涼劑恐發斑黃害人命至前桂枝加黃芩至後更宜隨節令桂枝麻黃大青龍升半母一膏二稱熱病三日外不差其人數脉證仍在當知邪氣在經絡桂枝石膏病應解若加麻黃半兩許

青龍麻黃皆可代

前集云夏月發熱惡寒頭

盛者熱病也冬傷於寒因暑氣而發為熱病治熱病與傷寒同有汗宜桂枝湯無汗宜麻黃湯加煩躁者宜大青龍湯然夏月藥性須帶涼夏至前桂枝加黃芩半兩夏至後桂枝麻黃大青龍加知母一兩石膏二兩或加升麻半兩又云熱病三日外與湯不差脉勢仍數邪氣猶在經絡未入臟腑桂枝石膏湯主之此方夏至後可代桂枝證用若加麻黃半兩可代麻黃夏至之後一陰生白虎投之慮青龍湯用也

危殆季春至夏晚傷寒梔子升麻必可安

前集

云古方三月至夏為晚發治晚發傷寒梔子升麻湯亦可選用之又云夏至後皆可行白虎湯耶白虎湯治中暑與汗後一解表藥耳今之醫者見六月中病多云中暑不辨熱病

用藥太涼况夏月陰氣在內最難調治白虎湯尤宜戒之

中暑

中暑須將脉弱著發熱惡寒

四肢不

疼手足冷倦怠面垢汗背寒

之必發斑痰逆惡寒橘皮

心五苓散史須心痞躁

而煩 前集云

中暑與熱病外證

相似但熱病脉盛中暑脉虛以此別之甲乙經云脉盛身寒不傷氣所以脉虛傷寒即身體肢節痛重其暑蓋寒傷形而不傷氣所以脉盛熱傷氣而不傷形所以脉虛傷寒即身體肢節痛重其

脉洪盛按之有力此是冬月感寒深至夏發爾中暑即背寒面垢手足微冷煩渴口燥但覺倦怠四肢却不痛重其膝微弱按之無力白虎湯主之痰逆惡寒者橘皮湯主之不惡寒者竹葉湯主之頭疼惡心煩傷寒傷暑何躁心下不快者五苓散最妙所據脉盛是寒虛是暑寒則體痛暑不然面若油塗與塵污

溫病

溫病惡寒頭體痛肌熱夏至前發動脉浮而

緊指下來氣感春溫疾不重 前集有云冬傷

以前發為溫病蓋因春溫暖之氣而發也治溫病與冬月傷寒夏月熱病不同蓋熱輕故

也升麻解肌柴桂湯熱多小柴胡可用升麻湯解肌湯柴胡桂枝湯熱多者小柴胡湯主之春初秋末不用藥五六日間可無恐不渴微熱柴加桂嗽者小柴加五味小柴胡加虛煩渴熱不惡寒竹葉石膏有次第竹葉石膏湯麻黃桂枝大青龍止可施於西北地暖處冬正依本方春末近夏加涼劑前集云麻黃桂枝大青龍唯西北二方四時行之無不有驗若江淮間偏暖處唯冬月正初乃可用正方自春末至夏至以前桂枝麻黃大青龍湯內宜加減

溫瘧

溫瘧皆由寒氣傷尺寸脉盛請消詳先熱後寒或相等俱宜療以小胡湯小柴胡湯先寒後熱加官桂小柴胡湯但寒寒多柴桂薑柴胡桂薑湯多熱但熱虎加桂白虎加渴汗泉澁五苓良染瘴及不伏水土嘔吐甚者亦此方前集云煩渴小便赤澀素有瘴氣及不其脉小緊苦伏水土嘔吐甚者可服五苓散寒熱間日頻日無時發大便秘澁仍嘔吐大柴胡湯可通洩往來寒熱脉浮大祛邪之圓吐而解病如日久不能愈瘧母煎圓當自差

大率瘧脉本自弦却分遲緊與浮焉緊宜發汗小緊下遲則須溫浮吐痊皆到秋發無足恠此證變自傷寒壞

風温

風温氣喘尺寸浮頭疼自汗支不收體熱而重嘿欲睡當向少陰厥陰求前集有云風温主四支不收頭疼身熱常自汗出解治在少陰厥陰不可發汗此病所忌在發汗萎蕤一湯宜急投病者目亂若癩疾內煩躁擾臥無由醫不知審乃發汗譖言獨語命堪憂

肌體灼熱知母葛

即乎乾葛湯

渴或甚皆惟括萋

括萋根湯脉浮身重而汗出漢防已湯疾可瘳

温疫

温疫如何是病源春夏寒清秋冬暄天行時氣無少長神明敗毒螢火圓傷寒温疫證相似其所異者多變遷治法不拘日久近隨證

汗吐下之痊

前集云時行之氣

天行

為時氣時氣不正之氣而變更不數淺深汗吐下隨證施

又云冬氣温春氣寒夏氣冷秋氣熱

行

日

春邪在肝病

尚輕升麻散與解肌并升麻散夏邪在心半

桂草調中射干皆可平調中湯射干

秋邪在肺虎加朮白虎湯茵陳煎湯調五苓

冬邪在腎因冬暖萎蕤之湯正可

行前集云

中濕

中濕之證何以見身熱痛黃脉沉緩脉若細
時非濕病要得良醫指下辨小便自利朮附
湯不利草附五苓善前集有云

金匱

金匱 身 疼麻黃加朮微發汗

寒濕為

痛為浮腫附子桂朮無不中風 拘急

熱薏苡麻烏用前集有云

濕病多中山澤

氣或因霧露風雨致醫家大忌用火攻亦忌

汗多變成瘧中氣癰閉及堅滿枳朮葶藶與

甘遂前集有云

風濕

風濕體疼不可轉不欲去被額微汗身或微腫其脉浮若微發汗保康健汗潤皴皴病俱除大汗風去濕莫遣麻黃杏薏甘草湯木附杏仁敗毒散桂枝湯內加白朮桂附甘附從君選更有防已黃耆湯用之功效不相遠身腫何藥可成功甘草附湯加防風前集有云脉浮為風濕麻黃杏子薏苡甘草湯防已黃耆湯桂枝附子湯桂枝加白朮湯甘草附子湯木附湯木仁湯敗毒散可選而用之身腫者甘草附子湯加防風

濕温

濕温脛冷胃腹滿頭疼胃汗言妄亂陽脉濡弱陰急小治屬太陰不可汗其原濕與熱相搏汗則聾啞去生遠白虎湯中加蒼朮以此療之効必見此方出傷寒微旨亦做金匱白虎加桂湯

瘧病

瘧脉沉遲與絃細惡寒發熱傷寒類但項強硬身反張狀若發癩此為異更兼瘵瘵及口噤因感風邪寒濕致婦人新產虛多汗若或

中風亦有是婦人新產血虛汗當察其體

有無汗以分剛瘧與柔瘧剛瘧無汗而惡寒

柔瘧有汗寒不畏無汗一味葛根湯有汗桂

枝加葛治剛瘧口噤而脚攣臥不著席頻咬

齒仍兼胃滿證分明治法當行大承氣前集云無

汗惡寒名剛瘧有汗不惡寒為柔瘧無汗葛

根湯主之有汗桂枝加葛根湯主之又云若

審知剛瘧胃滿口噤其人臥不著席陽瘧屬剛

陰屬柔更有數種藥可備附木附桂木桂

白木附防散入物白木兼煮桂八物

湯白木附防散附子防入物白木兼煮桂八物

散桂枝二瘧宜續命湯有汗加葛去麻黃

前集云剛柔二瘧皆續命湯與之有汗者去麻黃加葛根

温毒

温感冬寒發於春已汗吐下毒尚存毒既不

泄班遂作黑膏一藥効如神前集有云冬時觸冒寒毒至春

初病在表或已發汗吐下而表亦有冬

暖感戾氣至春毒作害於人發咳心悶嘔清

汁癰疹班班如錦紋橘皮葛根黃連橘二藥

至効為世珍前集有云又有冬氣冬未即病至春或被

發則
葛根橘皮

不得泄至天氣暄熱溫毒始
紋發咳心悶但嘔清

痰疾

痰疾咽喉氣衝上增寒汗熱傷寒狀其所異者證如何頭不疼兮項不强更看寸浮胃膈滿所投之藥方不妄柴胡半夏大半夏金沸草散藥皆當柴胡半夏湯大半夏湯金沸草散並宜服咽不得息用瓜蒂一錢增至三錢匕不吐更服至再三仍助以湯擿以指如其未効稍增之必待吐

出而後已吐之不可令人虛藥或過多解以

水前集云若氣上衝咽喉不得息者用瓜蒂散吐之古法服瓜蒂散凡服錢七藥下便臥欲吐且忍之良久不止取三錢匕湯二合和服以手指擿之便吐矣不吐復稍增之以吐為度若吐少病不除明日如前法再服之可至再三不可令人虛也藥力過時不吐熱湯一升以助藥力吐訖便可食無復餘毒若服藥過多者以水解之

食積

食積頭疼身不疼須看氣口與人迎氣口之脉見緊盛人迎之脉見和平此由脾胃有伏熱食不化積而停隔實嘔吐吐而愈心腹

滿痛下而寧治中黑神五積散於此三藥皆
 一行前集有云傷食亦令人頭痛脈數發熱
 乙經云人迎盛緊傷於寒氣口盛緊傷於食
 傷食之證由脾胃伏熱因食不消發熱似傷
 寒却身不疼痛此為異爾若兩實極吐者食
 在上腕宜吐之若心腹滿痛者宜下之治中
 湯五積散黑神
 圓可選而用之

虛煩

虛煩之證如何別脈不緊數但煩熱頭體不
 疼不惡寒若汗若下皆損竭療此無如竹葉
 湯嘔則橘皮更奇絕一劑未効仍再與用之

數効真人說前集云虛煩不可發汗不可下
石膏湯嘔者與橘皮凡熱切勿大攻之熱去
湯一劑不愈再與之

寒生他病發

脚氣

脚氣皆從脚下起或先緩弱而疼痺或行或
 倒或脛腫或體轉筋膝枯細小腹不仁心悸
 忪見食即嘔惡聞氣頭痛身熱支節疼胃滿
 氣急大便秘俱因風濕寒熱得證似傷寒其
 實異異者其證如何分卒起屈弱難轉徙前集

有云終與傷寒不同者孫真人謂卒起脚屈弱不能轉動有此為異耳浮絃由

風濡弱濕熱則洪數寒遲澁風汗濕溫熱下

之寒者熨法是為急前集云其脉浮而絃者起於風濡而弱者起於

濕洪而數者起於熱遲而澁者起於寒風者起於

汗而愈濕者溫而愈熱者下而愈寒者熨而愈

寒中三陽患必冷越婢小續藥綱領小續

煎成加薑汁此劑投之人可醒暑中三陰患

必熱小續桂減附子徹如或其人大煩躁速

効無如投紫雪前集云寒中三陽所患必冷越婢湯小續命湯主之小續命煎湯成旋入生薑汁最快暑中三陰所患必熱小續命湯去附子減桂一半大煩躁者

紫雪大便若秘藥何先神功五柔脾約圓大

率此病不欲實木瓜三腕亦相宜前集有云大便必者

脾約圓神功圓五柔圓大三腕散木瓜散主之脚弱之疾皆由氣實而死無一人服藥致

虛而脚氣針灸醫家許只忌湯淋及藥補脚

或腫時用檳榔前集云脚腫者千金外臺多

妙方

癸熱

發熱惡寒屬太陽宜服大青及麻黃發熱遇寒而微惡柴桂桂二越一湯汗後但熱不惡

冷調胃承氣正相當三日發汗病不解蒸蒸
發熱下無妨吐利發熱惡寒氣此為霍亂無
疑矣發熱而渴溫病醫汗已灼熱風溫埋前
云太陽病必發熱而惡寒蓋太陽主氣以溫
皮膚分肉寒氣留於外皮膚緻密則寒慄而
發熱宜發其汗麻黃湯大青龍湯生之若發
熱微惡寒者柴胡桂枝湯桂枝二越婢一湯
生之若吐利而發熱惡寒者霍亂也太陽病
發熱而渴不惡寒為溫病若發汗已身體灼
熱者風溫也又仲景云太陽證汗後不惡寒
但熱者實也當和其胃氣宜調胃承氣湯又
云太陽病三日發汗不解蒸身熱汗出屬陽
蒸發熱者屬於胃也宜下之身熱汗出屬陽
明雖遇寒涼心不憎脈浮桂枝使微汗脈實

承氣調胃經大便不秘白虎解體熱汗多投

大承前集云陽明病脈浮者宜桂枝微汗大

汗多者宜大承湯急下之蓋發熱頭疼兼嘔

病脈細分明少陽證不宜發汗汗譫語小柴

胡湯効必應發熱表裏證有異醫方明載分

其二熱不飲水熱在表熱燥飲水熱在裏表

熱小柴增桂醫裏熱白虎加參治前集云脈

而發熱者屬少陽少陽發熱小柴胡湯主之

不可發汗發汗即譫語病人不渴外有微熱
者小柴胡加桂也小柴胡加桂主表熱最良
世法不特傷寒也仲景表有熱者小柴加桂

也裏有熱者白虎加人參也大抵身熱不
飲水者為表熱也口燥煩渴者為裏熱也
熱病證表裏無脉雖浮數大柴胡此病如其
大便秘內加大黃無患虛傷寒差後仍發熱
小柴胡湯必可除脉浮宜汗實者下此法具
載南陽書已下脉數未解時熱能消穀而善
飢不大便者七日久此有瘀血抵當宜
前集云病人無表裏證發熱七八日脉雖浮數宜大柴胡湯主之大便秘者加大黃假令已下脉反有瘀血也抵當湯主之又云傷寒差後更發熱者小柴胡湯主之脉三陰太厥皆不熱少浮者汗解脉實者下之

陰獨熱為君說一證身熱而脉沉麻辛附令

微汗泄一證外熱而裏寒下利清穀四肢厥

其脉不出通逆湯此證要得良醫決

前集云太陰厥

陰皆不發熱只少陰發熱有二證仲景謂之反發熱也少陰病初得之發熱脉沉者麻黃細辛附子湯主之又云少陰病脉沉發汗則動此大略之言爾脉應裏而發熱在表亦當以小辛之藥泄汗而溫散也仲景云傷寒之病從風寒得之表中風寒入裏則不消須用溫藥少汗而解

熱多寒少

熱多寒少凡有三醫家診脉要相參一者所

感太陽病歷七八日如瘧證不嘔清便當自
愈桂麻各半即安靖桂枝麻黃各半湯二者其脉弱
而微此是亡陽汁必危藥宜桂二越婢一脉
若浮時可汗之三者遲脉見於尺此為血少
無人識先服加耆小建中一劑二劑無更易
續用小柴桂越湯小劑投之保安適桂枝二越婢一湯

潮熱

潮熱日晡時發熱此病宜下醫經說脉若浮

弦外惡寒小胡解表須精別腹大而滿氣不
通小承小劑勿大泄小承服後不轉氣其為

攻藥且宜徹前集云潮熱者大率當下然更

證惡寒猶有表證且與小柴胡湯以解之若

腹大滿不通者可與小承氣微和其胃氣勿

令大泄也仲景云日晡發熱者屬陽明脉實

者大承氣湯大柴胡湯脉虛者桂枝也又前

集有云縱使潮熱當行大承氣亦須發熱復

先少與小承氣若不轉氣不可攻之硬宜大柴嘔滿小柴芒消加微利及溏咳逆

熱小胡俱用療之佳傷寒十三日不解熱嘔
滿利作實解先服小柴解其外續加芒消無

不瘥大率潮熱屬陽明脉虛須用桂枝平其

脉若實法當下非是大柴即大承仲景云日

屬陽明也脉實者大承氣潮熱微利滑大腸

大柴胡也脉虛者桂枝也潮熱微利滑大腸

潮熱微作大便溏如其潮熱兼咳逆治法皆

合小胡湯大便既溏或胃滿此藥用之亦相

當前集云又有日晡發潮熱已而微利者又

者皆當用小柴胡也又云傷寒十三日胃脇

滿而嘔日晡發潮熱已而微利者實也先服

明潮熱大便溏胃滿不去者小柴胡湯下之陽

太陽亦有潮熱病仲景所謂陷胃證前集云

太陽亦

有潮熱乎仲景大陷胃湯一證結

胃有潮熱者為大結胃屬太陽也

寒熱往來

寒熱有三治法別外證與脉要參決一證傷

寒五六日寒熱往來胃滿噎心煩喜嘔或不

嘔不食或渴或不渴心悸腹痛小便濇微熱

而咳脅痞結蓋由血弱邪氣入是致寒熱時

發歇所施之藥無兩般小柴胡湯古方說一

証傷寒旬日外裏證寒熱大胡治大柴一證

緣表又復下頭間有汗泉不利心煩寒熱仍

往來渴而不嘔胃脘痞此為未解柴桂豈其藥投之即履地前集云往來寒熱有三證有柴胡湯已表或已下而往來寒熱者皆可用柴胡桂枝乾薑湯也

傷寒瘧狀

傷寒瘧狀屬太陽脉洪汗出桂枝良一日再發汗必解藥宜二桂一麻黃桂枝二麻黃一湯八九

日後如瘧狀清便不嘔自安康日二熱多而

寒少麻黃桂枝各半湯前集云太陽證形似瘧一日再發者汗出必解宜桂枝二麻黃一湯又云更有一證屬

日一二發者麻黃桂枝各半湯

陽明日晡煩熱汗不寧脉若浮虛桂枝證脉

實只宜投小承前集云有陽明證病人煩熱汗出如瘧狀日晡發熱而脉

浮虛者與桂枝湯亦有婦人血結病小柴胡

湯斯可行前集云婦人熱入血室其血必結故使如瘧狀小柴胡湯主之

汗後寒熱

汗後仍作寒熱疾須詳六脉得其悉浮數洪

大表證在桂枝桂二麻黃一桂枝湯桂枝湯

汗已下脉仍浮須再表之方愈疾日晡發熱

屬陽明脉實大承下無失汗後惡寒人必虛

汗後發熱人必實虛則芍甘附子湯實則調承効可必調胃承氣湯厥陰大汗熱不除身疼其內急而拘惡寒厥逆仍下利四逆投之疾可除四逆湯

汗後熱

汗後熱者脉躁靜靜保其生躁喪命其脉沉實不惡寒身熱狂言乃陽盛調胃承氣一再服縱病未解邪不勝狂言不食脉躁疾陰陽相交必死病前集有云温病汗出輒復熱而脉躁疾不為汗衰狂言不能食

請之陰湯交者死也又云熱病已得汗而脉躁盛者死已汗而熱脉浮數此宜再汗桂枝證證是桂枝却用黃麻黃

汗多仍熱由亡陽此病蓋緣投藥誤欲愈無

如真武湯病解羸弱微熱時竹葉石膏涼其

肌風温熱渴寒不惡已汗灼熱宜萎蕤竹葉石膏

湯萎蕤汗後熱病嘔逆利大柴內去大黃醫大柴

胡湯去大黃主之

下後熱

下後其人熱不止一緣醫者用圓子故留餘

類聚三十三
二五三

熱微覺煩梔子乾姜隨證理梔子乾姜湯或因大

汗及大下惡寒發熱無時已惡寒陽弱四逆

療發熱陰弱葶苦治四逆湯亭歷苦酒湯主之大下後熱

心結痛用藥無過梔子豉前集有云傷寒五六日大下之後身

熱不去心中結痛者本欲結也梔子豉湯主之傷寒近旬大發熱陰

陽俱虛病難起

勞復食復

勞復良由病始痊勞傷生熱復如前小柴麥

門枳梔子脉浮可汗實下焉汗則柴胡桂枝

稱下則大柴藥乃便前集云病新差後血氣尚虛津液未復因勞動

生熱熱氣既還復入經絡名曰勞復仲景云傷寒差已後發熱小柴胡湯主之脉浮者以

汗解宜柴胡桂枝湯脉實者以下解宜大柴胡湯又云大病差後勞復者枳實梔子湯主

之千金勞復起更有一方雄鼠屎七味葱湯死人麥門冬湯

古所傳廣濟療患勞復雄鼠屎方許仁食復則七味葱白湯皆可選而用之

熱去今再復脾弱有傷食停蓄氣痞乾噫而

食臭下利雷鳴動于腹生薑瀉心湯主之枳

梔內加大黃服仲景於枳實梔子湯證云若有宿食納大黃如博棊子五

六枚立愈

惡寒

惡寒身熱發於陽惡寒不熱陰氣傷陽脉浮
 數宜解表桂枝桂越及青黃桂枝湯桂枝二越婢一湯青龍
 湯麻發於陰者脉沉細溫裏四逆四逆湯理中
 湯發熱見寒脉微惡柴胡桂枝病必愈柴胡桂枝
 湯汗後惡寒此虛證藥應芍藥甘草附芍藥甘草
 湯附子汗下惡寒心下痞解表為先攻痞次解
 表莫若桂枝湯攻痞二黃瀉心貴大黃黃連瀉心湯
 陽明諸病下之稱惟有惡寒在經病其病蓋

與太陽合此宜發汗屬表證吐下之後八日
 許其病未解寒猶惡此為表裏俱有熱隨證
 無如投白虎太陽惡寒肌體熱汗出不嘔心
 下結良由醫者下之早附子瀉心不虛設陽
 明多汗出無時外微惡寒其脉遲此病蓋緣
 表未解更宜發汗投桂枝少陽頭汗微惡冷
 小柴胡湯藥最宜三陽合病背惡寒口中不
 仁舌燥乾少陰背脊寒亦惡口中如常此可
 據三陽白虎加人參少陰附湯灸斯愈前集云三

類聚三十三
 類聚三十三
 二十五

陽合病皆惡寒口中不仁口燥舌乾虎胆人參湯主之少陰病背惡寒口中和附子湯主之仍惡寒面赤熱有汗此為欲解桂黃半

惡寒

惡風蓋緣風入衛汗出脉緩形于指桂枝桂

枝加葛湯體潤連日自解前集云汗出脉

桂枝加葛根湯使遍體微潤連日當自解矣亡陽汗漏而惡風若

溫其經有安理惡風溺澁體拘急可用桂枝

加附子桂枝加附子湯傷寒五日肌體熱惡風項強

脇滿結小柴胡湯宜用之更看手足溫而渴

風濕相薄骨節痛汗出氣短或微腫小便不

利兼惡風甘草附湯投必中甘草附子湯

不得汗

不汗其脉見躁盛陽極當知必死證脉如躁

盛而得汗其人無疑可逃命大率傷寒汗不

出榮與衛經俱受病麻黃大青葛葱豉古人

用之効如聖更有燒地桃栢法蒸之於外汗

立應前集云傷寒榮衛俱病則無汗麻黃湯葛根湯大青龍湯葱豉湯可選用之若

傷寒汗不出者死如中風法蒸之溫熱之氣於外迎之無不得汗也薪火燒地良久掃除

夫火以水洒之取蚕沙栢葉桃葉糠麩皆可
 用相和鋪燒地上可側手厚上鋪席令病人
 當上臥溫覆之夏月熱只布單覆之汗移時
 立至候周身至脚心皆汗乃用溫粉撲止汗
 移上床最得力者黍沙桃栢葉也無余沙亦
 得單桃單栢亦得麩糠乃助添令多蚕不儿
 亦可氣虛無汗脉浮遲身痒桂麻各半宜杜枝
 各半湯陽明多汗反無汗皮膚之內如虫移亦
 緣久虛汗不出可行木附與黃耆木附湯黃耆建中湯

自汗

自汗有九證各異亡陽陽明與柔痙風濕傷
 風衛不和霍亂中濕中暑氣亡陽惡風汗不

止桂枝湯中加附子尺寸俱緊屬少陰證必
 咽疼復吐利身熱惡寒疼厥逆四逆更兼溫
 粉治惡風多汗煩不眠先服防風木牡礪服
 後却進小建中其人必安無慮矣前集云太陽病發汗
 多遂漏不止其人惡風皆溫其經宜桂枝用
 附子湯傷寒尺寸脉俱緊而汗出者亡陽也
 內拘急四肢厥逆而復吐利其人熱不去
 汗多不止者可用溫粉撲之若汗多不止必
 惡煩躁不得卧者先服防風白朮牡礪湯
 次服少陽明自汗寒不惡惡熱便堅更譫語
 建中湯調胃承氣以下之小便若利不可與醫家多

用蜜煎導使其病從大腸去汗出脉遲微畏

寒發汗須憑桂枝愈前集云不惡寒反惡熱

明也陽明病汗多而渴者不可與五苓散以

汗多胃中燥者急下之陽明病其人

云陽明病發熱汗多者急下之陽明病其人

屬調胃承氣湯雖然陽明汗多急下若小便

自利者此為津液內竭雖爾不可攻之須自

大便導之宜用蜜煎導法陽明病汗多而

遲微惡寒者表未解也宜桂枝湯陽明病多

汗若脈浮無汗而喘者柔痙之汗屬太陽頭

發汗則愈宜麻黃湯

搖口噤背反張心不惡寒體發熱脉沉而細

續命湯小續命湯風温汗出睡無時陰陽俱浮脉

可知鼻息必鼾語言蹇從來此證屬萎蕤萎蕤

湯傷風發熱而自汗身必惡寒脉必緩其人

惡風項背強桂枝加葛根保無患汗而不渴茯

草湯汗而或渴五苓散四肢拘急小便難桂

枝加附有所按其或汗出溺頻數芍藥甘草

乃為善前集云太陽病發熱汗出惡風脉緩

凡凡反汗出惡風桂枝加葛根湯主之汗出

而渴者五苓散不渴者伏苓甘草湯仲景云

太陽病自汗四肢拘急難以屈伸若小便難

不可與桂枝湯內加附子服之若小便數者斷

宜服芍藥甘草湯 衛強榮弱氣不和由此

發熱出汗多若欲愈時復發汗桂枝湯外更
無他前集云太陽病發熱汗出者此為榮弱
霍亂厥逆汗利吐發熱惡寒四逆愈前集云
出發熱惡寒四逆拘急手中濕自汗出不已
足厥逆者四逆湯主之
腎氣入心切勿止前集云腎主濕故知腎中
暑自汗渴惡寒其人身熱白虎安湯白虎
有汗或無時少陰無汗或有之二病相反無
定證用藥應須活法醫

頭汗

頭間有汗五內枯此證表實而裏虛津液既
少不可下下則重虛人莫蘇頭汗惡寒心下
病手足逆冷其脉細口不欲食大便鞭此必
有表復有裏脉縱沉緊非少陰小柴胡湯可
調理前集云傷寒五六日頭汗出微惡寒手
此為陽微結必有表復有裏也脉沉亦有裏
也汗出為陽微假令純陰結不得復有外證
悉入於裏此為半在裏半在外也脉雖沉緊
不得為少陰病者少陰不得有汗今頭
也出故知非少陰已汗已下胷脇滿渴而不
嘔逆不利寒熱心煩頭汗出柴胡桂枝乾薑

治柴胡桂枝乾姜湯 或有頭汗身不汗小便不利渴

引水厥熱在裏必發黃五苓茵陳藥無比五苓

散湯若是陽明便應下切須詳審勿輕易外

熱心憊不結胃頭汗不食梔子豉前集云外有熱手足

溫不結胃心中懊懣飢不能食更有一證頭

但頭汗出者梔子豉湯主之

出汗古稱水結此乃是心下緊滿無大熱小

半加苓實良劑前集云心下緊滿無大熱頭

傷寒心下緊滿無大熱但頭汗出者此名爲

湯伏苓陽明頭汗譫下血看病幾日過經未先

刺期門續下之益為內熱有燥屎前集云湯

譫語者此為熱入血室但頭汗出者刺期門

隨其虛實而下之澱然汗出則愈又云汗出

譫語者有燥屎也過經乃可下下

之早語言必亂以表實裏虛故也

頭痛

頭痛太陽證勿疑無汗麻黃有桂枝痛甚連

鬚葱白治未効葛根葱白醫前集云太陽證

寒無汗者麻黃湯有汗者桂枝湯若已發汗

或未發汗頭疼如破者連鬚葱曰湯服湯不

止者葛根葱脉絃而細少陽證頭疼體熱小

便若清病在表桂枝稍緩
前集云脉絃細頭痛

者屬少陽也少陽不可汗小柴胡湯主之湯

明證頭疼不惡寒反惡熱胃實也傷寒六

七日頭痛有熱與承氣湯主之仲景云傷寒六

在裏續在表也當須發汗太陰少陰頭不痛

若頭疼者必衄屬桂枝湯

獨有厥陰痛微重蓋緣厥陰連額顙治法柔

皆湯可用非次頭疼鬲有涎胃滿寒熱兩相

煎其脉雖緊而不大湯調瓜蒂末一錢或有

頭疼鼻塞煩蓋由中濕又兼寒含水瓜蒂末

搐鼻鼻流黃水可痊安
前集云若非次頭疼

而不大者即是鬲上有涎宜用瓜蒂末一錢

暖水調下吐涎立愈又云病人頭痛鼻塞而

煩此屬濕家頭中寒濕故鼻塞而頭疼納瓜

蒂末鼻中則愈法在發黃門中又發黃門瓜

蒂末山含水搐一字許

入鼻中出黃水甚驗

體痛

體痛太陽證未解脉浮緊者麻黃差尺脉遲

時先建中脉浮麻黃用無害
前集云太陽證表未解脉浮緊

法當身體痛宜以汗解假令尺脉遲不可發

汗氣不足血少故也尺脉遲者先以小建中

湯以養之脉浮體疼發熱而身黃此由中濕

者麻黃湯主之

風併傷加之身重泉不利宜用麻黃加朮湯

類聚三三三

三九

前集云太陽中濕一身盡痛發熱身黃小便不利病人中濕因而傷風濕用搏一身痛重是名風濕當於風濕脈沉體痛兼自利四逆中求之麻黃加朮湯

附子真武類人便如常體或疼急須救表無他議前集云若脈沉自利身體痛者陰證也類以溫之又云大便利而身體疼者當救裏大便如常而身體痛者當急救表背強身疼腹絞痛咽喉不利陰毒治汗後身痛脈沉遲桂枝新加建中理前集云發汗後身疼痛脈沈而遲仲景有桂枝加芍藥生薑人參新加湯蓋為此證也小建中湯兼治汗後身痛吐瀉止

後其身疼桂枝之湯與小劑瘡家體疼不可

汗汗則病變而成瘡前集云若霍亂吐瀉止而身疼痛不休者小與桂枝湯即愈金匱要略云瘡家太陽病至八日餘脈微惡寒陰陽虛不可發汗更吐下用藥無出小柴胡若或發汗欲外攻其人益虛兩耳聾素無熱人芍草附素有熱人黃建中

前集云太陽病七八日脈微而惡寒以陰陽俱虛不可更發汗更吐更下也小柴胡湯主之若重反發汗則氣虛必兩耳聾素無熱人可芍藥甘草附子湯素有熱人可黃耆建中湯

有熱表未解痒時桂黃各半宜前集云面赤有熱者未欲

解也以其不能得小汗出身必當痒宜桂枝麻黃各半湯

頭眩身搖筋惕肉瞤

頭眩并身瞤動者緣汗出多病不解更兼心

悸體發熱投以真武病即差真武羸人去芍

或量減如有熱證附宜殺前集云大凡發汗過多即身瞤動

搖虛羸之人微發汗便有此證俱宜服真武

湯以救之羸甚者去芍藥或量少用之是熱

藥或有熱證者去附吐下之後心逆滿氣衝

胃起而頭眩其脉沉緊忌發汗汗則傷經體

搖戰伏苓桂枝白朮草以此療之人必健伏苓

桂枝白朮甘草湯主之動氣在左汗之非如或發汗逆

證見筋惕肉瞤頭汗出病而至是生者鮮先

服防風朮礪散其次却服黃耆建

喘

喘而發熱惡風涼頭體俱疼屬太陽無汗即

是麻黃證有汗應須葛二黃此緣誤下利不

止脉促喘汗要參詳下後微喘表未解桂枝

加朴杏子湯前集云太陽病頭疼發熱身疼惡風無汗而喘者宜汗屬麻黃

湯又云桂枝證醫反下之利遂不止脉促者表未解也喘而汗出者葛根黃芩黃連湯太

陽病下之微者表未解汗後汗喘無大熱故也桂枝加厚朴杏子湯
 麻杏甘草石膏良發汗後不可更行桂枝湯
 麻黃杏子甘汗出而喘無大熱者可與
 承氣湯承氣脈浮無汗喘麻黃太明合喘亦宜
 是太陽與陽明合病喘而胃汗後咳喘緣飲
 水小青去麻加杏子腹滿去麻加茯苓又須
 小水不流利

渴

渴屬太陽其脈浮或有水氣在心頭此為傷

寒表不解小青去夏加括前集云脈浮而

者傷寒表不解心下有水氣而渴脈浮溺澁微

熱渴欲愈須向五苓求桂枝汗後大煩渴虎

加參括藥可投白虎加人脇滿惡風身熱渴

小胡去夏加參括前集云傷寒四五日身熱

者小柴胡去半夏加灼熱而渴為風溫括人參括萋根主之

根湯病應脫前集云太陽證身體灼熱而有

汗而渴陽明病此為白虎加參證汗多而渴

竹葉湯急下更宜詳仲景前集云有汗而渴

參湯主之又云陽明證汗多而渴者不可與
五苓散汗多胃中燥猪苓浸利其小便也
薏苡竹葉湯與之仲景云湯明虛老之人及
病發作有時汗出多者急下之
春秋竹葉石膏乃為稱前集云虛人老人及
膏頭汗溺澀身發黃渴飲水時緣熱盛小胡
去半加參萆茵陳服之亦多應前集云陽明
小便不利渴飲水漿身必發黃宜茵少陽渴
陳湯小柴胡去半夏加人參括萆湯
嘔發寒熱脇鞭不溷白生舌或身發熱而惡
風治如發黃藥無別少陽脅下鞭不大便而
胡去半夏加人自利而渴少陰經既咳且嘔
參括萆根湯

屬猪苓下利飲水內有熱白頭翁湯醫所憑
前集云傷寒熱入於藏流於少陰之經少陰
主腎腎惡燥故渴而引飲少陰下利咳而嘔
猪苓湯主之下利飲水者凡人大渴忌與
以有熱也白頭翁湯主之
水合飲一斗五升止小渴之時量與之滋潤
咽喉而已矣多與停飲滿喘亡不與咽乾無
汗死五苓陷胃黑奴圓選用之皆可理五
散陷胃圓伏暑熱深或發渴酒蒸黃連只一
黑奴圓味酒蒸黃太陽無渴渴忌虎汗後脉洪醫乃
味連圓
許陽明汗多渴忌苓脉浮汗少泉澁與前集
云太

陽病渴終不可白虎耶太湯證汗後脈洪大
而渴者方可與也陽明病渴終不可與五苓
耶陽明證小便不利汗少脈浮而渴
者方可與之此皆仲景之妙法也

鼻衄

鼻中衄血為何病仲景謂由陽太盛方其無
汗用麻黃此藥投之而不應發煩目瞑或小
衄其脈浮緊尚麻證初汗脈浮用桂枝未効
頭痛定無疑痛甚小衄脈浮緩桂枝隨證再
投之前集云若脈浮緊無汗麻黃湯不中病
其人發煩目瞑劇者必衄小衄而脈
尚浮者宜再與麻黃湯也若脈浮自汗服
桂枝湯不中病桂枝證尚在必頭疼甚而致

衄小衄而脈尚浮者宜再與桂枝也又云治
法衄家不可發汗汗出額上陷脈緊急直視
不能瞬不得眠然而無汗而衄脈尚浮緊者
再與麻黃湯有汗而衄脈尚浮緩者再與桂
枝從來衄血汗者非醫家所忌緣脈微脈若
已微何藥療黃芩芍藥地黃犀黃芩芍藥湯
犀角地黃湯
不止茅花煎汁飲無花可以根代之心煩而
渴血溢鼻其人飲水復吐水五苓散子先服
之却以竹葉為之繼先服五苓散
次服竹葉湯太陽之證
衄血時其病欲解陽已衰少陰有衄證如何
陰盛無熱衄亦無強汗血從口鼻出下厥上

渴人必殂少陰病但厥無汗強發之必動血
目是謂下厥未知從何道出或從口鼻或從耳
上竭為難醫

三陽合病

三陽合病其腹滿面垢身重不能轉譫語遺
尿口不仁只宜白虎忌下汗若或其人自汗
時白虎加參病應散

結胃

結胃胃痛硬如石寸浮沉緊見關尺良由身
熱下之早熱氣乘虛結胃臆病若未成投理

中轉損有厥宜四逆胃和傷寒猶未退日足

再下病方釋前集云與理中湯自然解了若大

段轉損有厥證者湯便安胃中雖

和傷寒未退者却候日數足可下承氣下

之蓋前來下大率結胃下之宜脉如浮大下

得未是故也却危小陷可施兼柴表表罷方作結胃醫前集

云治結率當下皆不可下下

之必死尚宜發汗也仲景云結胃脉不可下

可下只用小陷胃湯大抵腸浮者尚有表證
兼以小柴胡湯等先發表表證罷方可用下
結胃藥陷湯下之病不去毒氣上攻反結聚
便安積實理中調其氣次療諸疾應手愈前集云

胃用大陷胃湯不差者此是下後虛逆氣已

不積實理中攻氣毒相薄結於胃中當用

疾古今用之如神應手而愈療諸大結小結與

水結三種結胃要區別又有實結分二證於

中須識寒與熱大結胃連臍腹堅不按而痛

大陷圓小結按之心下痛小陷胃湯病可痊

水結水停胃脇裏微汗微熱見頭體小半夏

內加茯苓小柴去棗增牡礪寒實無熱而結

胃三物白散枳理中熱實煩躁脉沉滑燥渴

懊懣大陷攻前集云不按而痛胃連臍腹堅

硬為大結胃大陷胃圓主之按

之在下痛為小結胃小陷胃湯主之有水結

熱此水結主胃脇證小半夏加茯苓湯小柴

胡去棗加牡礪主之又有熱實結胃中煩

躁心內煩濃舌上躁渴脉沉滑者皆熱證也

大陷胃湯主之有寒實結胃寒實結胃無熱

證三物白散枳理中湯主之有寒實結胃無熱

實理中湯主之有寒實結胃無熱

差熱必殂前集云近世治結胃多行金針圓

之或有差者若熱聖餅灸臍不可用陷胃湯

實結胃服必死聖餅灸臍不可用陷胃湯

圓審輕重更有藏結似結胃舌上白胎死者

衆陽浮關脉細沉緊此病不治可傷痛

痞氣

痞氣之證關脉沉枳實理中功最深前集云

無痞應身冷醫反下之遂更有桔枳宜先用

隨證方及諸瀉心前集云審知是痞先用桔

殼行氣下脘先滿而不痛真為痞半夏瀉心

實堪治仲景云滿而不痛者為痞柴胡不中

中人參黃關浮三黃瀉心療惡寒汗出附瀉

妙前集云結胃與痞關脉皆沉若關浮者大

汗出者附子痞渴燥煩溺不利莫若五苓散

為要病人心下痞與瀉心湯痞不解發渴汗

出表解胃不和乾噫無如食臭何痞利腹鳴
脇有水生薑瀉心功實多汗出表解而胃中

噫食臭脇下水氣腹中雷鳴日利數十穀不

化痞滿良由醫妄下遂令胃虛氣上逆欲愈

應須甘草瀉下利日數十行穀不化腹中雷

也甘草瀉心湯主之蓋非結熱薑草投之

利不止亦石禹餘可調理未効法當治下焦

急用五苓通小水生薑瀉心甘草瀉心皆治

焦則利益甚服赤石脂禹餘糧湯利痞服瀉

復不止當利其小便五苓散主之

心皆不愈大陷胃圓下而已前集云凡痞服

後可用之胃圓下之不結胃與痞下多差又

看表證解未解未解桂枝先解表却用三黃

保安泰前集云結胃與痞皆應下然表不解

乃可攻痞解表宜桂枝湯外證未解氣滿閉

此謂支結即非痞證屬柴胡桂枝湯脇滿小

胡加薑礪外證未解心下妨悶者非痞也謂

微結小柴胡太陽證在數下之協熱而利痞

可知此為表裏俱不解桂枝人參用勿疑桂枝

人參傷寒發熱汗未甦其人嘔吐下利俱心

中痞鞭何藥愈非大柴胡不可除若汗吐下

心痞悶旋覆代赭前人論其或欬逆虛怯人

先服四逆令氣順胃冷理中宜先之旋覆代

赭令續進前集云汗吐下心下痞

覆代湯證其人或咳逆氣虛宜先服四逆

良又云旋覆代赭湯治痞之藥稱十棗此藥

用之不宜早表證已罷不惡寒汗出發歇痛

在腦身凉心滿脇下疼乾嘔氣短利相撓茲

緣表解裏未和十棗投之方作効前集云中風

嘔逆表解者乃可攻之其人藜藜汗出發

作有不惡寒者此表下痞鞭滿引脇下痛乾嘔汗出未和也十棗湯

嘔逆

嘔由氣逆不可下雖不大便亦須戒小柴胡

湯通津液汗出胃和病自解服之有熱日晡

潮仍前作嘔何藥調更兼胃與脇俱滿醫家

於此加芒消前集云嘔證不一各有治法要

柴胡湯胃脅滿而嘔日晡發潮尚嘔煩鬱大

胡良大便若秘加大黃若只嘔者大黃去桔

梗更依官局方前集云大柴胡湯治嘔最妙

壓虛氣須是去大黃仲景云嘔多雖有陽明

太明合病若不利但嘔葛根加夏薑胃有邪

氣胃有熱腹痛欲嘔黃連湯前集云太陽與

利若不利但嘔者葛根加半夏生薑湯主之

主之太少陽合利而嘔芩加夏薑人必瘳前集

陽與少陽合病而自利若嘔汗吐下後煩不

眠嘔者梔子生薑煎前集云若汗若吐若下

梔子生薑傷寒差後胃熱嘔竹葉加薑病乃

湯主之傷寒差後嘔者有餘熱在胃金匱論嘔不

下穀小半或加橘與茯苓而發熱小柴進嘔

而發渴猪苓服前集云金匱諸嘔吐穀不得

苓湯小半夏加橘皮湯可選而用之嘔而發

熱者小柴胡湯主之嘔而發渴者猪苓湯主

之先嘔却渴病欲愈猪苓至當宜急與先渴

却嘔屬飲家緣水停心而作楚飲水而嘔忌

柴胡赤茯苓湯實為主前集云嘔而發熱小

湯先嘔却渴者此為欲解急與之先渴却嘔

者為水停心下此屬飲家仲景云本渴飲水

而嘔者柴胡不中與也宜治嘔證其如屬少

陽間有水赤茯苓湯主之陰去附加薑用真武

子真武湯去附汗出脇痛其身涼或乾嘔者十棗湯心下水表不解

乾嘔發熱小龍良前集云表不解心下水

也前身涼汗出兩脅痛或乾嘔者十棗湯也啗因有水及汗利胃必

有熱桔梗治自汗乾嘔桂枝證仲景治法行

于世前集云大凡嘔者飲食不下乾嘔者今

下利脾胃有熱故使乾嘔官局倍梗湯最

佳仲景治法汗自出乾嘔者桂枝證也少

陰下利病未除白通雖服利自如厥逆無脉

煩乾嘔白通膽汁取於猪白少陰下利脈微與逆無脈乾嘔煩者白通加猪膽汁湯也下利裏寒而外熱其人脈微將欲絕乾嘔通脈四逆湯證是少陰要精別口吐涎沫人不甦乾嘔頭痛吳茱萸得湯其病反加甚仲景於此治法無南陽謂茱少陰藥療之宜用小柴胡前集云乾嘔吐涎沫頭痛者吳茱萸湯也又云傷寒論云食穀欲嘔屬陽明吳茱萸湯主之得湯反極者屬上焦也仲景無治法大抵吳茱萸湯治少陰證穀人胃嘔吐脚而嘔屬陽明宜與小柴胡湯主之嘔吐脚弱或痛時用藥便作脚氣醫半夏加薑治嘔

作嘔家生薑是聖藥古人治嘔多用半夏加生薑孫真人云生薑是

吐

吐如煩渴溺不利飲食即吐熱在胃寸口脈數手心熱五苓投之可立止前集云吐有冷熱二證寸口脈

數手心熱煩渴而吐以有熱在胃腕五苓散主之又云傷寒有表證渴欲飲水入口即吐名曰水逆由心經受熱而小汗後水藥不入賜不利故也宜服五苓散

口入即吐之為逆候若更發汗必吐下小半加苓加橘救發汗後水藥不入口為逆若更發汗必吐下不止小半夏湯加

茯苓湯小半夏曾經汗下關脉遲其人吐逆
 加橘皮湯主之
 定無疑此是胃虛受寒氣薑苓連參湯主之
 曾經汗下關脉遲胃中虛冷而寒多吐逆怯
 吐乾薑黃芩黃連人參湯主之
 水漿理中去木加生薑前集云寒多不飲水而吐者理中湯去木
 加生薑少陰欲吐不能吐食難入口藥孰去
 主之
 脉絃而遲手足寒此胃中實吐方愈鬲有寒
 飲而乾嘔只宜四逆用温補前集云少陰病飲食入口則吐
 心中温温欲吐復不能吐始得之手足寒脉
 弦遲者此胃中實不可下也當吐之若鬲上
 有寒飲乾嘔者不可吐吐利厥逆更煩躁吳
 也常温之宜四逆湯

茱萸湯疾可療病解虛羸氣少逆人如欲吐
 竹葉石吐利厥逆煩躁甚者吳茱萸湯主之
 葉石膏若傷寒解後虛羸少氣氣逆欲吐竹
 湯主之

嘔吐而利

嘔吐發熱而利下一緣傷寒病不解更兼心
 下痞而堅大柴胡湯斯可差又有霍亂嘔吐
 利熱多而渴五苓治寒多之時理中圓更看
 其人不飲水腹痛下利脚轉筋理中作湯加
 附子前集云霍亂嘔吐而利熱多而渴五苓
 散寒多不飲水者理中圓又云或有寒

腹滿痛四肢拘急下利脚轉筋理中吐利發
 湯加附子一枚生用並釐未作湯服
 熱而惡寒加之汗出體不乾四肢拘急手足
 冷四逆之湯病可安少陰吐利躁欲殂手足
 逆冷吳茱萸前集云少陰病吐利手足逆冷夏
 月吐利乃霍亂兩脚轉筋出冷汗大渴煩躁
 心腹疼急宜冷服香薷散前集云若夏月中
 心腹撮痛大渴煩躁四肢逆冷汗自出兩脚
 轉筋宜服香薷散須井中沉令極冷頓服之
 乃効又云香薷散夏月預宜台以下以
 備此證其他藥不能救須極冷併服吐利雖
 已汗出厥四肢拘急脉欲絕證宜通脉四逆

湯內加猪膽無疑活如或身體痛不休解表
 桂枝從古說前集云吐利止而身體痛不休
 傷寒發汗未解利身熱吐利心中痞治法應
 用大柴胡若言霍亂即非是仲景云傷寒發
 中痞嘔吐而下利者大
 柴胡湯主之即非霍亂
 咳嗽
 咳嗽疾或屬太陽小青龍與小胡湯若是少
 陰證端的真武猪苓并四逆前集云太陽證
 柴胡湯也少陰證咳嗽表如不解有水停乾
 真武湯四逆湯

嘔熱咳宜小青小便不利小腹滿可去麻黃

加茯苓仲景云傷寒表不解心下有水乾嘔

小腹痛滿者去麻寒熱胃脇痛滿痞咳者應須

小胡理仍去大棗與人參却加乾薑五味子

前集云寒熱往來胃脅滿痛或咳者小柴胡

湯主之小柴胡去人參大棗加五味子乾薑

咳嗽四肢重且疼溺澀下利病莫勝此證少

陰宜真武又須五味乾薑增前集云若少陰

重疼痛小便不利自下利而咳者真武傷寒

多飲皆作咳醫者須觀病所在在陽青龍陰

真武隨證投之効可待前集云大抵傷寒水

人治水氣而咳者病在陽則小或有下利七

青龍主之在陰真武湯主之

日久煩渴不眠咳而嘔治法宜用猪苓湯更

有橘皮出肘後前集云下利六七日咳而嘔

古今錄驗橘厥逆腹疼或泄利咳則四逆加

薑味前集云四肢厥逆腹中痛或泄利而咳

薑四逆散主之又云四逆散加五味子乾

咽喉痛

咽喉疼痛脉遲沉厥逆吐利屬少陰面赤唾

血脉浮數咽疼乃是陽毒侵少陰咽痛復吐
 利此緣下部脉不至汗出藁本粉傅之薰熨
 汗下皆所忌前集云脉沉遲手足厥冷或吐
 云此為下部脉都不至陰陽絕邪客於足
 少陰之絡毒氣上衝故咽喉不利或痛而生
 瘡也傷寒脉陰陽俱緊及汗出者亡陽也此
 屬少陰法當咽痛而復吐利此候汗下薰熨
 俱不可汗出者甘草桔梗療此痛猪膚半夏
 藁本粉傅之亦宜用通逆去芍加桔梗麻黃升麻相伯仲
 前集云咽喉痛者甘草湯桔梗湯猪膚湯半
 夏散通脉四逆去芍藥加桔梗湯麻黃湯升
 麻湯可少陰伏氣痛一般脉弱世謂腎傷寒
 選用之

中寒下利疾非痺夏桂甘并逆散安前集云
氣之病謂有非時暴中寒人伏氣於少陰經
始不覺病旬日乃發脉微弱法先咽痛似傷
寒非喉痺之疾次必下利始用半夏桂甘
次四逆散主之此病只一二日便差古方謂
之腎傷 陽毒喉痛如何消大黃等藥見前條
寒也
見陽
毒門

舌乾口燥

舌乾口燥連咽嗑由脾有熱少津液少陽咽
 乾并口苦小柴胡湯可立愈身無大熱渴而
 煩口中乾燥背微寒陽明舌燥渴飲水白虎

加參俱可安前集云傷寒無大熱口燥渴而
又云陽明病渴欲飲水口乾病人默默欲眠
舌燥者白虎加人參湯主之
 者目不能閉其聲啞咽乾便作狐惑醫少陰
 咽燥須急下前集云少陰證口燥咽乾者急
下之又云病人默默欲眠目不
能開起居不安其聲啞或
咽乾者當作狐惑治之
 益亡津液反為患 凡是咽乾切勿汗

漱水不欲嚥

漱水不欲嚥入喉口燥身熱痛在頭此病蓋
 屬陽明證無疑衄血鼻中流前集云陽明病
身熱口燥

但漱水不欲 唇燥漱水不嚥水寒熱已無胃
 咽者必衄 腹痞此有瘀血必發狂抵當湯兼犀角地若
人無表證不發寒熱胃腹滿唇燥但欲漱水
不欲嚥者此為有瘀血必發狂也輕者犀角
地黃湯重
者抵當湯

不得眠

不眠煩躁欲飲水少少與之和其胃脉浮溺
 澁或發渴詳證應須五苓治前集云太陽證
發汗大汗出胃
中乾煩躁不得眠欲飲水者當少少與之胃
中和即愈若脉浮小便不利發渴者五苓散
主
 已汗吐下或虛煩心中懊憹不得睡極則

反覆而顛倒吐法當行梔子豉前集云若發汗若吐若下

多虛煩不得眠劇則反覆顛倒心中懊懣者宜梔子豉湯吐之又云梔子豉湯一盞半為一劑分再服一晝煩不寢夜安靜不嘔不渴

服得吐止後服晝煩不寢夜安靜不嘔不渴

無表證其脉沉微無大熱乾薑附子乃相稱

前集云下後又發汗晝日煩躁不得眠夜則安靜不嘔不渴無表證脉沉微身無大熱者

乾姜附子吐下之後乏氣煩晝夜不眠酸棗湯主之吐下之後乏氣煩晝夜不眠酸棗

定前集云傷寒吐下後心煩乏少陰心煩眠氣晝夜不得眠酸棗湯主之少陰心煩眠

不得黃連阿膠此無易黃連阿膠湯少陰渴利不

得寢猪苓湯服必安枕猪苓湯傷寒大熱嘔錯

語不寢黃連解毒與病差不眠氣未和梔子

烏梅湯可愈前集云傷寒大熱乾嘔呻吟錯語不得眠黃連解毒湯主之又

云傷寒差後不得眠蓋熱氣與諸陽用并陰氣未復所以不得睡也梔子烏梅湯主之

多眠

多眠頭痛尺寸浮息喘四肢俱不收身熱日

汗然欲睡瓜溫之藥要須投前集云病人尺寸脉俱浮頭疼

身熱常自汗出體重其息必喘四肢不收默然但欲眠者風溫證也不可發汗宜萎蕤湯

太陽過旬而昏睡項強惡寒脉浮細胃滿脇

痛小柴胡脉若俱浮麻黃理前集云病人脉浮頭項強痛而

惡寒者太陽證也十日以夫脉浮細而嗜臥者外已解也設胃滿脇痛與小柴胡湯脉但浮者麻黃尺寸沉細睡無時此屬少陰四逆湯主之
 前集云病人尺寸脉俱沉細但欲寐者上宜少陰證也急作四逆復其陽不可緩也
 下唇瘡體沉重喜睡宜作狐惑醫前集云狀如傷寒四
 肢沉重忽忽喜眠須看上下唇上唇有瘡虫蝕五藏下唇有瘡虫蝕下部當作狐惑治之
 身凉汗出兩脇疼痛或乾嘔

身凉汗出頭脇疼心痞嘔利寒不增此裏未和表已解十棗之證甚分明
 仲景云太陽中風下利嘔逆表解者乃可攻之其人漿漿汗出發作有時頃痛心下痞滿引脇下痛乾嘔短氣汗出不

惡寒者此表解裏未和也十棗湯主之
 大抵脇痛飲所致必分表裏隨證治乾嘔微利身發熱兼咳無疑表有水身體已凉表證罷乾嘔脇痛水在裏表水小青加蕤花裏水十棗以通利十棗非比青龍穩須看虛實勿輕易
 前集云大抵脇下痛者此為有飲須分表裏乾嘔微利發熱而咳為表有水小青龍湯加蕤花主之身體凉表證罷乾嘔而脇下痛為裏有水十棗湯主之十棗湯非小青龍湯之比須量人虛實不可妄投
 咳逆

咳逆病自胃寒起緣吐下汗復與水退陰散

及夏薑湯橘皮乾薑羌附子

前集云咳逆者仲景所謂噦也

噦音乙芮切噦胃寒所生傷寒本虛攻其熱必噦又云傷寒大吐下之極虛復發汗者其人外拂鬱復與之水以發其汗因得噦所以然者胃中寒故也橘皮乾薑湯羌活附子散半夏生薑湯諸藥服之病不去灸乳之下三退陰散主之

艾炷前集云若服藥不差者灸之必愈其法夫及乳小者以一指為率正也男左女右艾炷如小豆許與乳相直間陷中動脈處是

陽證咳逆小柴胡此外更服橘竹茹亦前集云

湯橘皮竹茹湯傷寒腹滿氣逆噦審前後部孰不利前部不利猪苓湯後部不利調調

部宜調胃承氣湯

承氣部仲景云傷寒噦而腹滿視其前後知何

前部宜猪苓湯後部宜調胃承氣湯

發黃

發黃古人名曰痺頭面有汗體無汗身熱溺澁渴飲水此由心脾熱為患飲愈無若茵陳湯加茵更服五苓散

前集云痺者黃也古人多病痺又云凡病人身體發熱頭面汗出身無汗倒頸而止渴引水漿小便不利如此必發黃茵陳蒿湯五苓加茵陳散也又云茵陳蒿湯十分五苓散五分二件拌勻每服三錢

溫水調麻黃連翹小豆湯梔子麝皮從君揀

下日三

下日三

下日三

前集云大抵發黃者瘧熱在裏由小便不利而致也梔子檳皮湯麻黃連翹小赤豆湯皆可用之黃因濕熱內相薄脉必浮滑而緊數

古人治法利小便利下赤水黃銷鑠亦有治

術口含水鼻搐瓜蒂末一字定有黃水流鼻

中即服茵苓以相繼前集云傷寒欲發黃者急用瓜蒂末口含水搐

一字許入鼻中出黃水甚驗即用發黃瘵血

茵陳蒿湯調五苓散服之最良

證相類請驗小水利不利泉利便黑人如狂

即知瘵血與黃異前集云發黃與瘵血外證及脉俱相似但小便不利

為黃小便自利為瘵血又云發黃之人心脾

蘊積發熱引飲脉必浮滑而緊數若瘵血證

即如狂大便必更有傷寒屬太陽已嘗發汗

黑此為異耳

身目黃此為在裏濕不解寒濕之中求治方

前集云太陽病一身盡痛發熱身如薰黃者

太陽中濕也仲景云傷寒發汗已身目皆黃

所以然者以寒濕在裏不解也或有中風少

以為不可下也於寒濕中求之

陽證脉絃浮大指下應腹滿心疼不得汗潮

熱嗜臥嗽不定溺澁鼻乾身目黃小柴胡湯

藥為正前集云病人脉絃浮大而短氣腹都

不得汗嗜卧一身及心痛久按之氣不通鼻乾

時時咳嗽者風也少陽中風也小柴胡湯主

之虎證與黃本無間或黃或痞如何辨虎證

汗自遍身出黃證汗出止頭面

狂言

狂發潮熱言皆妄煩躁獨語見鬼狀面赤咽痛其脉實此是陽毒非他恙治法已具陽毒門請君選擇唯其當前集云病人煩燥狂走妄言面赤咽痛脉實潮熱獨語如見鬼一證發狂由蓄血人無表證狀此陽毒也

不寒熱泉利便黑一身黃漱水不嚙小腹結日唇乾燥脉沉微此病只緣汗不泄前集云表證不發寒熱唇躁但欲嗽水不欲入咽其脉微而沉小腹鞭滿小便反利大便必黑身

黃發狂此失汗熱蓄在膀胱熱化為血人如血諦證也

狂外證未解攻應忌且令先服桂枝湯表解

腹急始攻擊取盡黑物乃不傷病甚抵當湯

圓妙輕者桃承犀地黃前集云大抵傷寒當

化為血其人喜忘而如狂則上逆則喜忘血下畜則肉爭甚者抵當湯抵當圓輕者桃仁

承氣犀角地黃湯須取黑物盡為効又云失汗熱畜在膀胱經若用抵當湯更須子細審

其有無表證若有畜血而外不解亦未可便用當湯先用桂枝湯以解其外緣熱在膀胱太陽

經也因火驚狂號火邪桂甘龍礪藥為佳

兼有桂枝去芍藥却將蜀漆牡龍加前集云有火邪

癩驚狂者醫以火於臥床下或周身用火迫劫汗出或熨而成火邪其人亡陽煩躁驚狂臥起不安桂枝去芍藥加蜀漆牡蠣龍骨救逆湯桂枝甘草龍骨牡蠣湯主之針灸後病火劫療風引柴加龍礪妙前集云凡針似火劫者並用劫法治之金匱風引湯尤良柴胡加龍骨牡蠣湯更捷

癩班

班有熱病有溫毒皆由下之有遲速或汗未汗表未解表虛裏實熱攻觸班班癩癉如錦紋或緣熱藥過多服前集云癩班有兩證有溫毒是冬日觸冒寒毒至春始發若病發時氣發班並同或未發汗或已經汗下

而熱毒不散表虛裏實熱毒乘虛出於皮膚所以發班瘡癩癉如錦紋俗名髮瘡素問謂之疹發班者下之早熱氣乘虛入胃故也下之太遲熱留胃中亦發班或服熱藥過多亦發黑班十死而一生赤班不救十五六微者出五死一生極者治法當用化班湯汗則班黑班出十死一生前集云發班不可用表藥若發其爛潰肌肉汗重令開洩更增班爛也皆當用化班湯此方乃白虎加更有紫雪為最良阿人參湯中添入萎蕤湯膠大青四物湯玄參升麻膽鷄子藥皆可用更斟量審其脈證如可下調胃承氣用無妨玄參升麻湯阿膠大青四物湯猪膽鷄子有湯或與紫雪大妙可下者調胃承氣湯

班緣冬冒寒烈蘊積至春暖而發此班乃自
溫毒生治與熱病發班別二班相類醫審思
南陽之書已詳說

譫語鄭聲

譫語鄭聲自雨塗證雖相似其實殊鄭聲重
語譫妄語於此當分人實虛鄭虛脉微手足
冷大便小水並通踈譫實洪數手足暖大秘
小赤色如朱虛則白通溫乃愈實則調承病
可除調承已通止後服未効再進人必甦前

云病人有譫語有鄭聲二證鄭聲為虛當用
溫藥白通湯主之譫語為實當須調胃承氣
湯主之服調胃承氣而譫語止或更衣者停
後服不尔再與之仲景云實則譫語虛則鄭
聲鄭重也重語也世多不別須用外證與脉
別之若大小便利手足冷脉微細者必鄭聲
也大便秘小便赤手足温脉洪數者必鄭聲
譫語也以此相參然後用藥萬全矣三陽
合病而譫語面垢腹滿身莫舉滑實遺溺口

不仁大忌汗下只宜虎前集云三陽合病腹
中不仁面垢譫語遺溺其脉胃實譫語病易
必滑實不可汗下宜白虎湯
斷大便譫硬身熱汗調胃承氣及大承外臺
承氣尤和緩前集云病人身熱汗出大便硬
為胃實宜調胃承氣湯大承氣

湯外臺承氣湯 無芒消尤穩 亡陽譫語證如何液少初因

出汗多可用柴胡桂枝療使其津通榮衛和

仲景云發汗多亡陽譫語者不可下此為津

液不和與柴胡桂枝湯和其榮衛以通津液

後自愈恐人作燥屎 下後譫語小便難胃中

攻之切不可攻之 痞滿驚且煩身體沉重不可轉柴胡內加龍

牡安 傷寒八九日下之胃滿煩驚小便不利

譫語身重不可轉側者柴胡加龍骨牡

湯血熱譫語婦人疾熱逢經候入血室無犯

胃氣及上焦急下柴胡保無失稍遲血結刺

期門要當取之隨其實如犯上焦及胃氣晝

夜譫語小便利更兼喜忘腹脇滿湯投抵當

更無二 前集云婦人傷寒發熱經水適來晝

熱入血室無犯胃氣及上焦速用小柴胡

湯治之若行湯遲熱入胃令津燥中焦上焦

不榮成血結胃狀須當針期門又云婦人中

風發熱惡寒經水適來熱入血室也當刺期

門隨其實而取之以上二焦熱在期也

若犯胃氣晝夜譫語喜忘小腹滿小便利屬

抵當 下利譫語有燥屎調胃小承皆可理

前集云利譫語者有燥屎也大抵譫語是陽

病若見陰時為逆證 吐血

吐血緣熱結五藏瘀血甚者屬抵當病輕桃

仁承氣湯兼服三黃犀地黃瘀血甚者抵當

氣湯兼服犀角地黃湯三黃圓

腹痛

腹痛本緣太陽病醫誤下之致此證是為有

表復有裏桂枝加芍藥必定其痛甚者加大

黃此法得之於仲景若或下利大黃減芍煎

十沸去寒性

前集云太陽證醫反下之因瀉所以用桂枝加芍藥湯主之痛甚者加大黃又云桂枝加芍藥即小建中也太陰脈弱自

利設當行大黃芍藥者宜減之其人胃虛大

率發汗病不解腹滿而痛亟宜下大承氣與

大柴胡二藥療之無不差難經云痛為實大

發汗不解腹滿痛者急宜下之宜大承氣湯又曰腹中滿痛此為實當下之宜八柴胡湯

腹痛冷熱證有二須將脈審病所自冷痛之

證尺脈絃腸內虛鳴兼泄利熱痛按之腹始

疼關實腹滿大便秘不問冷熱俱小建不差

小柴乃為善小柴須是去黃芩却加芍藥効

方見仲景云陽脈瀆陰脈弦法當腹中急痛先與小建中不差者與小柴胡湯前集

有云尺脉絃腸鳴泄利而痛陰證腹痛四逆者冷痛也小建中湯主之

散通逆加芍可無患腹痛泉澁真武湯此藥

相傳方有按前集云陰證痛即四逆散通脉四逆加芍藥湯腹滿小便不利者

利者真熱則桂枝加大黃大承氣與黃連湯

武湯也前集云關脉實腹滿大便秘按之而痛者實痛也桂枝加大黃湯黃連湯大承氣湯主之

腹痛要與陽與陰桔梗半夏其功深太陽汗

後腹脹滿朴薑半夏甘草參前集云腹脹滿者陰陽不和也

枳梗半夏湯最良仲景太陽證發汗後腹

脹滿者厚朴生姜半夏甘草人參湯主之

後心煩脹或作起卧不安梔厚朴梔子厚朴湯吐

後腹或脹而滿調胃承氣端不錯調胃承少

陰七日不更衣腹脹承氣亟下之承氣湯

煩躁

煩躁脉證皆可明多是太陽少陰經若非陰

少陽氣勝即是陽弱陰氣乘前集云傷寒煩躁太陽與少陰

經為多蓋太陽與少陰為表裏又云陰氣少

陽氣勝則進而煩故太陽經傷風多煩躁也

陰所乘而躁故少陰病亦煩躁應五六日不

更衣內有躁屎無可疑腹痛煩躁時發作藥

用小承微利之二三日無太陽證溺利煩躁

其脉微心下若鞭屎必結此證亦作小承醫

前集云陽明經或因不大便五六日繞臍痛煩躁

躁仲景云病人不大便五六日繞臍痛煩躁

發作有時者此有躁屎也宜承氣湯又云得

病二三日脉弱無太陽柴胡證煩躁心下硬

小便便利屎定更以小承既下復汗晝不睡夜

氣湯少少與微利之則安靜寢却寐已無表證不嘔渴其脉沉微

薑附子汗吐下已煩不眠心中懊懣梔子豉

或云汗下尚躁煩當以茯苓四逆治仲景云

發汗晝日煩躁不得眠夜而安靜不嘔不渴

無表證脉沈微者乾薑附子湯主之又云發

汗吐下後虛煩不得眠心中懊懣者梔子豉

湯主之發汗若下之病仍不解煩躁者伏苓

湯傷寒大汗胃中乾寢不得寐心躁煩欲

水少與和則愈脉浮溺澁五苓仲景云太

大汗出胃中乾煩躁不得眠欲得飲水者少

少與之令胃中和則愈若脉浮小便不利或

熱消渴五小陰吐利厥欲殂其人煩躁吳茱

萸三日已上煩不寢黃連阿膠病即甦下利

咽痛而胃滿心中煩者宜猪膚惡寒而踈或

煩躁欲去衣者大柴胡下利七日欬而嘔渴

煩不寢猪苓除已上皆少陰證見前集少陰

黃連阿膠湯主之少陰病吐利手足逆冷煩

躁欲死者吳茱萸湯主之少陰病下利咽痛

胃滿心煩者猪膚湯主之少陰下利六七日
效而嘔渴煩不得眠者猪苓湯主之少陰惡
寒而踈時時自煩欲去煩用桂枝不解時可
衣被大柴胡湯下之

針風府與風池更把桂枝令再服古人治法

要須知仲景云太陽傷風服桂枝湯煩不傷

風見寒心或憎發熱無汗身體疼其脉浮緊

而煩躁此證無如服大青仲景又云太陽傷

寒身疼痛無汗而煩傷寒發汗六七日不解

而煩仍渴疾表裏有證飲水吐五苓服之定

無失仲景云傷寒發熱六七日不解而煩有

之傷寒無熱躁狂言五苓可服二大錢更飲

新水一升許刺喉去之病即痊仲景又云傷

但在言煩躁不安精氣不與人相當但與五

苓散二大錢服之當與新汲井水一升許即

以指刺喉去病差煩因不勝穀損穀之時自

平復小胡通液得屎解不中須將調胃服大

便或硬小便少自愈不須藥攻觸前集云病

微煩者此由病新差不勝穀攢穀則愈又云

先用小柴胡湯和其柴衛以通津液得屎而

解小柴胡不中然後以調胃承氣湯又云有

病已差尚微煩必大便硬當問其小便日幾

頭聚三三

五七

下利

下利陰陽子細分如挾太陽藥忌溫疑利是

寒投熱劑發黃班作命難存前集云三陽下利則身熱太陰

下利手足溫少陰厥陰下利身不熱以此別

之大抵下利挾太陽脈證便不得用溫藥俗

醫見下利便作陰證用溫熱利下陽明合太

藥鮮不發黃出班而死者

陽其脈必須浮大長頭腰目痛必肌熱鼻中

乾燥葛根良前集云太陽陽明合病必下利

腰痛肌熱目疼鼻乾其脈又云下利而頭疼

浮大而長者是其證也

脈弦浮大黃芩湯如其嘔逆勿單服須加半

夏與生薑頭疼胃滿寒熱嘔更兼口苦證尤

彰前集云太陽少陽合病自下利黃芩湯主

利而頭痛胃滿或口苦咽乾或往來寒

熱而嘔其脈浮大而長者是其證也

陽合利纏綿頭疼脈見長大弦往來寒熱胃

滿嘔脈如不負方可痊前集云陽明少陽合

者順也嘔者失也牙相尅賊名為負也又云

下利而身熱胃膈痞滿乾嘔或往來寒熱其

脈長大而弦者是其證也蓋陽明者土其脈

下利為胃已困若脈不弦太陰自利而不渴

者順也為土不負者死

四逆理中病可過四逆湯理中湯主之

水苓武通逆白通理四逆加參通加瞻合用
 之藥無出此前集云自利而渴屬少陰白通
 猪苓湯真武湯四逆加三陽下利肌體熱少
 人參湯可檢證而用之
 陰厥陰熱不發利是太陰手足溫疾證分明
 見醫訣下利脉大虛明矣脉微弱者利自止
 日十餘行脉反實此為逆證人難起利脉遲
 滑是為實滑數食積而成疾此利不宜令速
 止更須下之醫秘術利若脉平心下硬尤宜
 急下不可失前集云下利脉數而滑者有宿
食也下之愈脉遲而滑者空也

其利未得便止下利三部挾熱之利何以知
 脉皆平心下硬者急下之
 臍下熱現斯可推大便須作赤黃色腸間津
 汁垢無疑前集云挾熱利者臍下必熱大便
赤色及腸間津液垢膩謂之腸
 垢寒毒之利寒入胃臍下必冷腹滿痞大便
 黃白或青黑有時或下青穀利濕毒腹痛利
 膿血其色或與肉汁比挾熱黃芩薤白醫白
 頭黃艾赤石脂黃芩湯薤白湯白頭翁湯寒
三黃熟艾湯赤石脂圓
 毒四逆通加附逆散加薤理中宜寒毒入胃
理中湯白通湯加附子濕毒桃花地榆散黃
四逆散加薤白主之

連阿膠併可施濕毒下膿血者桃花湯人如

自利加之渴此是少陰更無說凡陰下利俱

宜溫誰知少與二陰別薤白湯納四逆散所

投之藥却忌熱利水口乾心下痛宜投下藥

急通洩利欲飲水由熱致利或譫語有燥屎

凡胃不和利腸鳴生薑瀉心俱可理前集云

利而渴屬少陰然三陽下利亦有飲水者乃

有熱也三陰下利溫之然少陰自利清水心

下痛口乾燥者却宜下之此不可不知也又

云少陰泄利下重不可投熱藥先煎薤白湯

納四逆散緣四逆散用枳實芍藥之類又尋

常胃中不和腹中腸鳴下利生薑瀉心湯最

妙

小便不利小便難

小便不利汗多故待其自通病即愈盖亡津

液胃中乾用藥通之醫者誤前集云傷寒發

津液胃中極乾故小便不利醫見小便不利

往往利之誤矣故仲景云下之復發汗小便

不利者亡津液故也勿傷寒引飲下焦熱小

治之得小便利必自愈

水不通若有節脈浮可用五苓導脈沉必以

猪苓泄前集云或曰小便終不可利耶曰不

下焦有熱小便不通脈浮者表證不解泉不

通必然有水在心胃發熱而欬小腹滿去麻

加茯苓前集云表不解心下有水發熱而欬小腹滿不利者小青

黃加茯苓龍湯去麻傷寒無汗熱翕翕頭項強痛小便

澁桂枝湯內去桂枝伏苓白朮宜增入前集云傷

寒無汗翕翕發熱頭項強痛小便不利者桂枝湯去桂加茯苓白朮也利者桂枝湯去桂加茯苓白朮也

澁利無從胃滿嘔熱心怔忡小柴胡內黃芩

去却用茯苓加藥中前集云嘔而發熱胃脅滿心下怔忡小柴胡湯

夫黃芩加伏苓溺澁若是少陰病逆散加苓藥必應

其或下利六七日朝咳嘔煩渴眠不瞑或有脉

浮渴飲熱皆宜認取猪苓證病瘥腰間有水

氣牡礪澤瀉實相稱前集云少陰病小便不利者四逆湯加茯苓也

又云脉浮發熱渴欲飲水小便不利少陰病

下利六七日咳而嘔渴心煩不得眠者宜與

猪苓者吐礪澤瀉散此利水道滲泄之義也病去

水氣不得行表裏俱見煩不寧口燥欲水飲

即吐此為水逆證分明或有霍亂欲飲水發

熱頭痛及體疼或有不嘔心下痞發熱汗出

寒則增或躁煩渴或停飲泉澁皆宜服五苓

前集云傷寒有渴而飲停者有燥而煩渴者有病氣去而水氣不得行者其表裏俱見煩

躁口燥欲飲水水入即吐名水逆及霍亂
 痛發熱身疼痛欲飲水者有發熱汗出復惡
 寒不嘔俱心下痞散其人小水或難時蓋是陰
 者並宜服五苓散
 虛陽湊之小便黃色中有熱瞿麥滑石瀉之
 宜前集云又問小便難者何也陰虛故也陰
 虛者必湊之為陽所湊也故小便黃者
 中有熱也直瞿麥太陽發汗汗不乾其人惡
 滑石之類瀉之
 風溺頗難四肢微急難伸屈桂枝加附投必
 安前集云太陽病發汗遂漏不止其人惡風
 小便難四肢微急難以屈伸者桂枝加附
 子湯之陽明中風不得汗嗜臥身黃其氣短脉
 弦浮大小便難潮熱心疼而腹滿更兼乾噦

與鼻乾小柴加茯苓不宜緩前集云陽明中風

甚脇下及心痛鼻乾不得汗嗜臥身黃小便
 便難潮熱而噦者小柴胡加茯苓主之

小便自利小便數

小便利自太陽生下焦有熱小腹膨小水合

澁乃流利無疑下血抵當行前集云太陽證

必滿應小便不利而小便反陽明自汗宜洩

利者下血證也宜抵當湯

少今利益緣津液耗大便雖硬不可攻醫者

相施蜜煎導前集云陽明證自汗出應小便
 少而小便自利者津液內竭也
 屎雖硬不可攻少陰厥逆小便利此疾蓋白
 之當用蜜導之

虛寒致四逆湯并真武湯真武去茯苓有謂
 四逆湯真武湯膀胱與腎二經虛乘虛客熱
 去茯苓主之
 遂來居虛則水勝熱則澁其人安得小便
 前集云腎中膀胱俱虛有客熱乘之二經既
 虛致受客熱虛則不能制水故令數小便熱
 則水行澁則小便大陽自汗微惡寒脚攣肢
 不快故令數起也
 急及心煩便泉若數桂枝忌草薑芍草方可
 安前集云太陽自汗四肢拘急難以屈伸心
 煩微惡寒脚攣急若小便數者切不可行
 桂枝也宜與甘草乾
 薑湯芍藥甘草湯小便數則大便堅跌陽
 浮濇麻子圓汗吐下後煩溺數大便因硬承

氣宣前集云大便跌陽浮而濇浮則胃氣
 脾為約麻子圓主之又云太陽病若汗若吐
 若下後微煩小便數大便因鞭者與小承氣
 愈之傷寒自汗溺無度胃中不和或譫語脉
 浮調胃承氣湯更量虛實宜少與
 大便硬大便澹
 大便數日不踈通必有燥屎結腸中或鞭或
 難總宜下然又不可一攻前集云傷寒數
 鞭及有燥屎皆知用大柴胡大承氣小承氣
 攻之然仲論大便不通亦有數種不可攻
 名竹葉又有陽結陰蓋有陽結與陰結醫者
 結之論不可不別也

應須細分別腸結能食不大便脈浮而數與
陰別陰結不食便反硬脈沉而遲陽欲絕陽
則小柴涼以通陰則金液溫以泄前集云脈
食不大便此為實名曰陽結宜用小柴胡湯
所謂和其榮衛以通津液縱不了了得屎而
解也其脈沉而遲不能食身體重大便反硬
名曰陰結宜用金液丹所謂陽盛則促陰盛
則結之更有鴨溏大便稀胃中有冷而致之
結同也前集云
先鞭後溏溺澁少水穀不分無可疑大率腸
中有寒即大便鴨溏蓋溏者胃中冷水穀不
別故也華佗云寒即溏熱即垢仲景說初鞭
後溏有二證小便不利
小便少皆水穀不分耳

狐惑傷寒

狐惑傷寒類濕蠱起居不安常默默蝕下咽
乾是為狐蝕喉聲啞是為惑欲寢其目不能
閉面目乍白乍黑赤大抵傷寒入食少胃虛
虫行欲得食蝕人五藏及下部舌上盡白齒
無色四爪沉重忽忽眠上下唇瘡唇亦黑上
唇有瘡藏被蠱下唇有瘡肛被蝕此證殺人
為甚急源病多因利而得治蠱桃仁湯最宜
雄黃銳散黃連犀前集云狐惑與濕蠱皆虫
病初得狀如傷寒或因傷

寒變成其疾其候默默欲眠目不能閉起居不安虫蝕其喉為惑其聲嘎虫蝕下部為狐其咽乾狐惑之病並惡飲食面目乍赤乍白乍黑是其證也大抵傷寒病腹內熱人食少腸胃空虛三虫行作求食蝕人五藏及下部為蠱虫病其候齒無色舌上盡白甚者唇黑有瘡四肢沉重忽忽喜眠虫蝕其肛爛見五藏則死當數看其上唇下唇上唇有瘡虫蝕其下利而得治蠶桃仁湯黃連犀角湯雄黃銳散主之

百合病

百合為病病之極經絡俱無人默默心欲出行不能行或忼飲食或不食有時全若強健

人但能睡臥行不得如寒如熱又如無口作苦味小便赤藥纔入口即吐利若有神憑殊莫測推病之原何其毒傷寒之後不平復虛勞變而為此疾古有數藥皆可服滑楮百合知母湯雞子滑石百合黃百合洗兼括萆蠶總是良醫已効方前集云百合傷寒百脉一此因傷寒虛勞大病之後不平復變成此疾也百合知母湯滑石代楮湯雞子湯百合地黃湯百合洗方括萆牡蠣散滑石散主之傷寒百證歌一

第一證傷寒脈證總論歌

大浮數動滑陽脈陰病見陽生可得沉瀼弦
 微弱屬陰陽病見陰終死厄仲景云脈大浮數動滑此名陽也脈沉瀼若弦微此名陰也陰病見陽脈者生陽病見陰脈者死陰陽交互
 最難明輕重斟量當別白脈雖有陰陽須看輕重以分表裏在下
 輕手脈浮為在表表實浮而兼有力但浮
 無力表中虛自汗惡風常淅淅傷寒先要辨四者為急仲景云浮為在表沉為在裏然表證有虛有實浮而有力者表實也無汗不惡風浮而無力者表虛也自汗惡風也重手脈沉為在裏裏實脈
 沉來亦實重手無力大而虛此是裏虛宜審

的裏證亦有虛實脈沉而有力者裏實也故
 利或陰證之類已上八風則虛浮寒牢堅水
 停水瀼必沉潛動則為痛數為熱支飲應須
 脈急弦太過之脈為可恠不及之脈亦如然
 仲景云風則虛浮寒則牢堅沉潛水瀼支飲
 急弦動則為痛數則熱煩太過可恠不及亦
 然邪不空見榮衛太盛名高章高章相搏名
 曰綱榮衛微時名牒徒類切卑牒卑相搏損
 名彰榮衛既和名緩遲緩遲名沉此最良九

種脉中辨虛實長沙之訣妙難忘

仲景云寸口衛氣盛

名曰高榮氣盛名曰章高章相搏名曰網衛氣弱名曰傑榮氣弱名曰卑傑早相搏名曰損衛氣和名曰緩榮氣和名曰遲緩遲相搏

名曰沉大抵仲景脉法論傷寒與雜病脉法異故予嘗撰仲景

三十六種脉法 瞥瞥有如羹上肥此脉定

知陽氣微縈縈來如蛛絲細却是體中陰氣

衰脉如瀉漆之絕者病人亡血更何疑

仲景云脉

瞥瞥如羹上肥者陽氣微也脉縈縈如蜘蛛絲者陽氣衰也脉綿解如瀉漆之絕者亡血也陽氣衰千金

云作陰氣衰 陽結藹藹如車蓋陰結循竿

亦象之 仲景云藹藹如車蓋者陽結也累累如循竿者陰結也 陽盛則

促來一止陰盛則結緩而遲

此謂促結二脉也仲景云脉來

經時一止名曰結脉來數時一止 縱橫逆順

宜審察殘賊災怪要須知 仲景云脉有縱有橫有逆有

順何謂也曰水行乘火金行乘木名曰縱火

行乘水木行乘金名曰橫水行乘火名曰順也

木名曰逆金行乘水木行乘火名曰順也又

日脉有殘賊何謂也師曰脉有弦緊浮滑沉

瀆此六者名殘賊能為諸賊作病也又胃曰

脉有災怪何謂也答曰舊時服藥今乃發作

災怪脉靜人病內虛故人安脉病曰行尸

云脉病人不病曰行尸以無主氣故眩仆不

類聚

卷

緊盛食必傷人迎緊盛風邪熾左為人迎右

緊盛傷於風氣口數為在府遲為藏浮為在

表沉在裏仲景云浮為在表沉為在藏

緩風傷榮浮緊兼澀寒傷衛脉微大忌令人

吐欲下猶防虛且細仲景云脉微不可沉微

氣弱汗為難三者要須常審記虛用和云陰

氣弱者不可汗三者汗下吐三陽加於陰有

汗證左手沉微却應未素問云陽加於陰有

脉定死生仲景說跌陽脉太谿腎脉為根帶

傷寒必診太谿跌陽者謂以腎脉胃脉脉來

六至或七至邪氣漸深須用意浮大晝加並

屬陽沉細夜加分陰位九至以上來短促狀

若涌泉無入氣更加懸絕漸無根命絕天真

當死矣孫尚云脉及七至六至以上浮大晝

神氣亂必有散脫精神之倚須切急為治寮

又加之九至十至雖和扁亦難救如八至九

至加以懸絕懸絕者無根也如泉病人三部

脉調勻大小浮沉遲速類此是陰陽氣已和

勿藥自然應可喜仲景云寸口關上尺中三

有寒熱不解此脉已和雖劇當愈

第二證傷寒病證總類歌

傷寒中風與濕濕熱病瘧渴并時疫證候陰

陽雖則同別為調治難專一已上七證大畧雖相似須別作

調一則桂枝二麻黃三則青龍如鼎立精對

無差立便安何須更數交傳日孫尚云一桂枝二麻黃三

青龍三日能精對無差立當見効發熱惡寒

不須更候五日轉瀉反致壞病也仲景云發熱而惡寒者發於陽也無

發於陰也熱而惡寒者陽盛熱多內外熱白虎相當并

竹葉白虎湯竹葉石膏陰盛寒濕脉沉弦四

逆理中為最捷孫兆云陰盛寒濕則熱邪入

胃結成毒大小承氣宜踈泄熱邪入胃久則

或大小承氣湯胃滿宜用瀉心湯胃傷爛宜調胃

痞氣當分別按之不痛為虛靳按之若痛為

實結淺深大小陷胃元仲景方中不徒設孫兆

云結胃痞氣兩分淺茵陳可治發黃證藥皮

治痢兼下血發黃疸熱則用茵陳湯下小便

不利更喘滿煩渴五苓安可缺利小便止煩渴用五苓散

半在裏兮半在表治半在表裏仲景夜中得脉日中愈陰得陽兮災必
 有加減法脫日中得脉中夜安陽得陰兮自相悅陰陽
 調順自和同不須攻治翻為孽孫尚云凡傷寒三日脉微
 而微數以順四時身涼而和者此名欲解也夜半得脉來日中愈陰得陽而解也日中
 得脉夜半愈陽得陰而和也陰陽和同尔

第三證表證歌

身熱惡寒脉又浮偏宜發汗更何求仲景云脉浮宜
 以汗要須手足俱周徧不欲淋漓似水流金匱
 解之

云凡發汗欲令手足皆周榮榮一時間益佳但不欲流離若病不解當重發汗汗多則亡陽發汗也重發汗也輕則隨時與和解重須正發病
 當瘳仲景有和解之者有正發之者和解若小柴胡桂枝是也正發若麻黃之類是也
 初春陽弱陰尚勝不可亟奪成擾搜夏時暑熱脉洪大玄府開時汗易謀初春陽弱不
 擾乎陽夏則玄府不可汗脉微而弱更兼尺汗空開故易汗中脉遲後金匱云脉微不可發汗無陽故也
 可微弱無陽遲少血安可麻黃求發散更有汗衄血并下血仲景云衄家不可發汗發汗則
 額上陷亡血家不可發汗則寒

振而風溫濕溫如何發壞病虛煩且慎之腹
 間動氣宜區別此九證皆不可汗婦人經水
 適來時此是小柴胡證決忽然誤汗表裏虛
 弱冒不知人作孽婦人經水適來適斷屬小柴胡證誤汗鬱胃不知人
 第四證裏證歌

不惡寒兮反惡熱胃中乾燥并潮熱陽明證身熱汗
 自出不惡寒反惡熱當下之乎又云潮熱者實也宜下之乎手心腋下汗常
 潤小便如常大便結腹滿而喘或譫語脉沉
 而滑裏證決手心與兩腋下潤小便如經大便結硬皆裏證也內實則腹滿

而喘沈而滑者病在內足曰裏證也陽盛陰虛速下之安可日
 數向脣脣仲景曰陽盛陰虛汗之則死下之內外皆熱故當下雖三二日失下心胃皆症
 便內外皆熱故當下雖三二日失下心胃皆症
 悶冒鬱不安成熱厥失下則熱極生寒故冒而厥厥則半日後復熱
 也庸醫不曉疑是陰誤進熱藥精魂絕庸醫便以為陰誤服熱藥則三陰大約可溫之積發班發黃不知人也
 證見時方發泄太陰腹滿或時痛少陰口燥
 心下渴積證悉具更無疑要在安詳加審別
 三陰大約可溫唯積證當下仲景云太陽病醫反下之因腹滿時痛屬太陰桂枝加芍

藥湯主之其大實痛則大黃湯主之又云少
 陰口燥咽乾急下之宜承氣湯如此者當下
 之病猶在表不可下脉浮更兼虛細者仲景
 也浮為在表又云惡寒嘔吐小便清惡寒者表
 虛細不可下之云欲吐者不可下小便清未解金匱
 者知不在裏而在表也不轉失氣應難瀉
 不轉失氣者尿強大便堅硬小便數證脾約陽
 硬其後必溏也明自汗津液寡證蜜兌
 參差成誤也如斯之類下為難莫便

第五證表裏寒熱歌

病人身熱欲得衣寒在骨髓熱在肌先與桂

枝使寒已小柴加桂次溫之病人身寒衣襖

退寒在皮膚熱在髓白虎加參先除熱桂黃

各半解其外仲景云病人身大熱反欲得衣

寒反不欲近衣者寒在皮膚熱在骨髓也身大

與小柴胡加桂湯熱在骨髓先與桂枝次

參湯以除其熱次以桂枝麻黃各半湯以解

也其外病有標本并始末先後不同當審察裏

寒表熱脉沉遲裏熱表寒脉必滑朱肱云裏

第六證表裏虛實歌

脉浮而緩表中虛有汗惡風腠理踈浮緊而消表却實惡寒無汗體焚如傷寒最要辨表裏實有表虛有裏實有裏虛有表裏俱實有表裏俱虛先辨此六者然後用藥無不差矣蓋脉浮而緩又惡風有汗此表虛中風證也脉浮緊而澁又有力惡寒無汗此表實傷寒也脉沉無力裏虛證四逆理中為對病沉而有力緊且實柴胡承氣宜相應裏虛宜溫之故用四逆理中裏實宜下之故用柴胡承氣又有表和而裏病下之則愈斯為正裏和表病汗為宜忽然誤下應難拯外臺云表和裏病下之則愈汗之則虛則溫死裏和表病汗之則愈下之則死

之實瀉之病形脉證要相宜更兼藥餌如精對立便安康待甚時孫尚云精對無差立當五日以後下也

第七證急救表裏歌

傷寒下後表裏虛急當救療莫躊躇下利不止身疼痛救裏為先四逆歟忍若清便自調滴却宜救表桂枝徒切莫遲延生別病過街脉變在斯須仲景云傷寒脉下之續得下利後身疼痛清便自調者急當救裏表救裏宜四逆救表宜桂枝

第八證無表裏證歌

既無裏證又無表隨證小柴胡治療大便堅
 鞭脈浮數却與大柴胡極妙仲景云病人無表裏證發熱七八日脈浮數可與七八日後至過經證候如斯常辨曉何況熱實睛不和常覺目中不了了仲景云傷寒六七日目中不了了睛不和無表裏證大便難微熱者急下之大承氣
 柴胡

第九證表裏水歌

有水須分表和裏安可妄投增病勢乾嘔微

利咳發熱謂表有水青龍諦仲景云傷寒表不解心下有水

氣乾嘔發熱而咳或渴或利或噎或小便不利小腹滿或喘者小青龍此謂表有水也

忽若身涼并汗出兩脇疼痛心下痞表解爭

知裏未和十棗湯方能主治太陽中風心下痞硬滿引脇下

痛乾嘔短氣汗出不惡寒者此表解裏未和也十棗湯主之

第十證表裏兩證俱見歌

脈來浮大表證爾便赤煩渴却在裏脈浮者表證也

小師赤而煩渴表裏兩證俱見時當用五苓

與調理此證宜用五苓散蓋又如大便數日

結頭痛更兼身有熱其人小便却又清亦是

兩證當區別大便結硬頭痛身熱小便大便却清知不在裏而在表也

堅鞭脉沉細裏證當下分明諦頭汗出時微

惡寒手足兼冷却非是仲景云傷寒五六日頭汗出微惡寒手足

冷心下滿口不欲食大便硬脉細者此為陽微結有表復有裏也脉沉亦在裏也此為半

在表半在裏馬仲景著論非一端要在審詳而已矣

仲景論中有兩證者凡十餘法故此略舉一二為例

第十一證三陰三陽傳入歌

尺寸俱浮屬巨陽一二日內病如常經絡上

連風府穴頭項痛兮腰脊強仲景云尺寸俱浮者太陽受病

當一三日發以其上連風府故頭項痛腰脊強脉長陽明為受病二

三日內斯為應挾鼻絡目是其經目痛鼻乾

眠不穩仲景尺寸俱長者陽明受病也當二三日發以其脉挾鼻絡於目故身熱

目疼鼻乾少陽經絡貫耳中脉弦脇痛耳應

聾四日以前皆在府汗之即退易為功仲景云尺

寸俱弦者少陽受病也當三四日發以脉循脅於耳故胃脇痛而耳聾此三經受病未入

藏故可四五日中傳太陰太陰之脉細而沉

布胃絡嗑嗑乾燥脾宮腹滿病難禁仲景云尺寸俱

類聚三十三 七

沉細者太陰受病也當四五日發以其少陰

傳到脉沉緊貫腎絡肺繫舌本口燥舌乾渴

不休五六日中病有準尺寸脉俱沉者少陰受病也當五六日發

以其脉貫腎絡於肺係舌本故口燥舌乾而渴七八日至厥陰經煩

滿囊縮可憂驚三陰受邪已入臟却宜瀉下

自和平仲景云尺寸俱微緩者厥陰受病也當六七日發以其循陰器絡於肝故

煩滿而囊縮必三陰皆已入臟故可下而已也六經已盡傳亦遍土

不愛邪脉來緩水火相交氣已和雲興雨至

斯為汗若傳至厥陰其脉來緩者脾土不再受克故水升火降氣和而大汗解矣

第十二證陰陽兩感歌

傷寒熱甚雖不死兩感傷寒漫料理仲景云凡傷於

寒則為病熱雖甚不死若兩感於寒而病者必死又曰兩感病俱作治有先後發表攻裏

漫料理可也本自不同故一日太陽少陰病腹痛口乾煩

飲水大太陽膀胱也少陰腎也為表裏故仲景云太陽與少陰俱病則腹痛口乾煩滿

而二日陽明合太陰腹滿身熱如火熾不欲

飲食鼻內乾妄言譫語終難睡仲景云二日陽明與太陰

俱病則腹滿身熱不欲食譫語三日少陽合厥陰耳聾囊縮

不知人厥逆水漿不入口六日為期是死辰

仲景云三日少陽與厥陰俱病則耳聾囊縮而厥水漿不入口不知人者六日死矣

第十三證陽證陽毒歌

太陽陽明與少陽三陽傳入是其常一二日

三日陽明三四日少太陽脉浮惡寒氣陽明

惡熱脉來長太陽脉浮陽明脉長太陽惡寒

陽口苦脇下滿往來寒熱脉弦張仲景云少

口苦咽乾目眩又云太陽病不解轉入陽若

獨盛陰暴絕變為陽毒必發狂三陽病不治

內外熱結舌又卷鼻中煤煙不可當脉應洪

實或滑促宜用升麻梔子湯

第十四證陰證陰毒歌

飲食不節陰受之太陰腹脹病在脾素問云

節陰受之飲食不節則陰受之傷寒四少陰

五日傳太陰太陰脾經也故其腹脹滿少陰

腎病脉微細心煩但寐渴無時仲景云少陰

細但欲寐五六日自利而渴厥陰氣上衝心下飢

不欲食食吐虵音回仲景云厥陰為病消渴

陰病若深陽頓絕變成陰毒更何疑四肢逆

冷臍築痛身如被杖痛可知宋迪云積陰盛於下則微陽消

於上故其候沉重四肢逆冷
 或因慾事腎經衰內感伏陰外寒氣腰重頭
 疼覺倦疲陰毒本因腎氣虛寒嗜慾過多或傷冷物復傷風邪內既伏陰外又
 感寒或先感外寒而內伏陰內外皆陰故陽
 氣不守遂發頭疼腰重腹痛眼睛疼身體倦
 怠而不甚額上手背皆冷汗二三日內尚
 四肢逆冷矣額上手背皆有冷汗二三日內尚
 支持額上手背皆有冷汗二三日內尚
 來疾尺部短小力還微寸口有時或來大誤
 經轉瀉若何陰毒診之則六脉俱沉細而
 俱浮大或沉取之大而不甚疾者非陰病漸
 陰證也誤轉瀉則渴轉甚躁轉急

深腹轉痛心胃膈脹鄭聲隨虛汗不止咽不
 利指甲青黑面色鰲陰證深則咽喉不利心下脹滿結硬躁渴虛汗
 不止或時鄭聲指甲面色一息七至沉細疾
 俱青黑仲景云虛則鄭聲六脉沉細而疾一息七至
 速灸關元不可遲以索有此證者速宜灸關
 元二三百壯穴更兼金液來甦治庶得陽回
 在臍下三寸命可追灸畢更以金液來甦
 命可追丹助之庶幾陽復也
 第十五證太陽陽明合病歌
 太陽陽明同合病仲景法中有三證自利宜
 服葛根湯但嘔却加半夏應喘而胃滿屬麻

黃慎勿下之輕性命循規守矩治為宜要使
冲和自安靜仲景三證一者太陽與陽明合病必自利葛根湯主之二者合病不利但嘔者葛根加半夏湯主之三者太陽陽明合病喘而胃滿者不可下宜麻黃湯

第十六證太陽少陽合病歌

太陽少陽合病時亦須下利更何疑下利黃

芩湯可用若嘔還加半夏奇仲景云太陽少陽合病自下利

者與黃芩湯若嘔者黃芩加半夏生薑湯

第十七證三陽合病歌

腹滿身重難轉側面垢遺尿譫語極三陽合

病口不仁白虎湯功更奇特仲景云三陽合病腹滿身重難

以轉側口中不仁譫語遺溺發汗則譫語下之則竅上生汗手足厥冷自汗白虎湯主之

第十八證太陽少陽併病歌

太少併病證有二汗下差之皆致斃頭痛眩

冒如結胃誤若汗時譫語至肺俞肝俞皆可

刺譫語却刺期門是仲景一證云太陽少陽併病頭痛眩冒時如結

曾心下痞硬當刺肺俞肝俞不可發汗發汗則譫語脈弦五日譫語不止當刺期門

項強時刺大椎此候在心當切記一證云太陽併病心

下硬頸強而眩者當刺
大椎肺俞肝俞慎勿下

第十九證陰證似陽歌

煩燥面赤身微熱脉至沉微作陰孽脉來沉微者陰

也陰極生熱故陰證似陽醫者疑但以脉憑

煩躁面赤身熱也陰證似陽醫者疑但以脉憑

斯要訣不必守證也身熱裏寒陰躁盛面戴

陽兮下虛證面身熱也裏寒也煩躁者陰盛也

似陽也陰發躁兮熱發厥物極則反皆理性極陰

第二十證陽證似陰歌

小便赤色大便秘其脉沉滑陽證是四肢逆

冷伏熱深陽證似陰當審諦小便赤大便秘

陽極生陰熱極生寒故令四肢逆冷以其伏

熱深也醫見四支逆冷便以為陰則誤也當

審詳細者且宜供白虎重者須當用承氣重

第二十一證陰盛陽歌

身冷脉沉緊且細內雖煩躁不飲水此名陰

盛隔陽證霹靂散用煩躁止脉沉緊而細不

附子霹靂散躁若止兮應得睡寒已散兮陰

自退熱氣上行得汗痊火燄丹砂宜用矣

第二十二證陰陽易歌

男子陰腫多絞刺婦人腰痛并裏急傷寒差
後便行房男名陽易女陰易熱上衝胃頭不
舉眼中生花氣翕翕燒禪猓音鼠橘皮湯選
此用之醫可必仲景云傷寒陰陽易之為病
身體重小氣小腹裏急或引
陰中拘攣熱上衝背頭重不欲舉眼中生花
痴胞赤膝脛拘急燒禪散主之此病男子則
陰腫婦人則腰痛于金外臺
云有猓鼠湯橘皮湯亦可用

第二十三證傷寒歌

脉浮緊澁是傷寒熱少寒多不躁煩傷寒脉
浮緊而澁

澁熱少寒多頭痛無汗身拘急微厥之時在

指端腰脊疼痛色多慘唯宜發汗與通關者

先須要辨傷寒中風二證傷寒脉浮緊而澁
中風脉浮而緩傷寒者惡寒不惡風中風者

惡風不惡寒傷寒者無汗中風者自汗傷
寒者面色慘悽中風者其面色和悅也

青龍證及麻苴熱多寒少亦其常傷寒大抵
雖熱少寒

多亦有熱多寒少者如麻黃證云發熱熱多
身痛大青龍證云脉浮緊發熱而惡寒熱多

寒少不煩躁亦宜汗解正相當微弱無陽桂

枝越仲景云太陽病發熱多寒少脉微弱者
無陽也不可發汗用桂枝二越婢一湯

尺遲血少建中湯尺脈遲者血少也宜建中湯仲景建中證云傷寒陽
 脈瀋陰脈弦法常腹中急痛與建淋家衄家
 中湯遲弦雖不同皆少血之脈也
 不可汗小柴胡解自安康淋家衄家瘡家以
 汗者王寔皆至四動脈不可發
 用小柴胡湯

第二十四證中風歌

惡風自汗是傷風仲景謂傷風為中風體熱頭疼病勢

濃手足不冷心煩躁面色如常無慘容解在前篇

脈浮而緩是本證寸大尺弱有時逢傷風脈

緩活人書云有尺脈弱寸口大者仲景云陽

浮而陰羽陽浮者熱曰發陰弱者汗自出

桂枝敗毒獨活輩宜皆選用在其中活人書云治中

風藥宜桂枝敗毒獨活散之類項強桂枝加乾葛仲景云太

強凡凡反汗出惡風者漏風加附可收功景仲

宜桂枝加葛根湯主之云太陽病發汗遂漏不止其人惡風小便難

傷風寒傷何以判寒脈緊瀋風浮緩寒必惡

寒風惡風傷風自汗寒無汗解在前篇

第二十五證傷寒見風脈中風見寒脈

歌

惡寒不躁微四逆脈浮而緩來無力惡風煩

躁手足温脉診緊浮來又澀傷寒反得傷風
 診中風却見傷寒脉大青龍證是為宜調衛
 調榮斯兩得仲景云太陽中風脉浮緊發熱
 大青龍湯主之又云傷寒脉浮緩身不疼但
 重乍有輕時無少陰證者大青龍湯主之中
 風宜浮緩今却浮緊傷寒宜浮緊今却
 浮緩此中風見寒脉傷寒見風脉也
 其病加煩燥方可服之為最的脉微自汗又
 惡風誤用肉瞶并筋惕仲景云脉微弱汗出
 之厥逆筋惕肉瞶此為逆也故
 王寔止用桂枝麻黃各半湯

第二十六證熱病中暍歌

身熱惡寒頭痛楚心煩躁渴如何禦身熱惡
 心煩躁渴熱病中者其證脉洪緊盛為熱病
 相似但脉不同耳語在下脉洪緊盛為熱病
 肝虛細弱為傷暑熱病脉必浮大洪緊傷暑
 書暑脉多不一仲景云太陽中暍者身熱而
 脉微又云其脉弦細芤遲小便已洒洒然毛
 聳朱肱云脉虛身熱得之傷暑又曰熱傷暑
 病脉洪大中暑脉細弱當以意消息也傷暑
 面听并背寒四肢倦怠汗無度口噤五苓白
 虎佳痰逆橘皮湯可愈仲景云手足逆冷小
 板齒燥若發其汗則惡寒甚加皮膚既緩腠
 溫針則發熱甚數下之則淋甚皮膚既緩腠
 到開洒然毛竦風寒惡繆加熱藥發斑黃可

怪庸醫心術誤仲景云小便已洒然毛竦又云其人汗出而惡寒若行熱

藥便發斑發黃也

第二十七證五種溫歌溫病 溫瘧 風溫 溫疫

溫毒

傷寒春月名溫病脈來浮數是其證發熱頭疼亦惡寒冬夏比之輕不甚升麻解肌為最

良小柴竹葉宜相稱以上論溫病也素問云冬傷於寒春必病溫仲

景云冬月冒寒氣不即病者藏於肌膚至春變為溫病故其證如宜升麻解肌湯之類尺寸盛兮兼弦數重感於寒變溫瘧先熱後

寒小柴胡但熱不寒白虎藥以上論溫瘧也仲景云若脈陰

陽俱盛重感於寒者變成溫瘧素問云瘧脈自弦弦數者熱多未肱云先熱後寒者小柴胡湯但熱不寒者濡弱陰脈浮滑陽此是風

白虎加桂湯主之溫證候當頭疼身熱常自汗四肢不收齁睡

長當治少陰厥陰病誤汗黃者防已湯以上

溫也仲景云陽脈浮滑陰脈濡弱更遇於風變為風溫其病四支痿緩又云風溫為病脈

陰陽俱浮自汗出身重多眠睡鼻息必鼾語言難出若被下者小便不利直視失溲若破

火者微發黃色劇則如驚癇時瘳瘳也少陰火也厥陰木也當治炎火風木誤汗之則用湯救之也陽脈濡兮陰弦緊更遇溫氣來行

令變成溫疫作天行少長皆同無異病熱溫

寒清順時宜以平為期如斯正此論溫疫也仲景云陽脈

濡弱陰脈弦緊者更遇溫氣變為最重溫毒

溫疫一歲少長皆同病者溫疫也

為可怪陽脈洪數陰實大發斑癘疹如錦文

咳兼心悶何由快此論溫毒也仲景云陽水實大更遇溫熱

變成溫毒溫毒為病最重也故發斑生宜用

元參升麻湯長沙仲景分明載

第二十八證三種濕歌濕溫中濕風濕而異實暑濕相

搏成濕溫胃間多汗頭如劈兩脛逆冷苦妄

言陽濡而弱陰小急以上濕溫證也第二中濕之為

病脈來沉緩其名的一身盡痛兼發黃大便

反快小便澀仲景云太陽病關節疼痛而煩脈沉而緩者此名中濕其候令

人小便不利大便反快但當利其小便又云

濕家之為病一身盡痛發熱身色如薰與濕

家其人但頭汗出背強欲得覆被向火若下

之早則噦胃滿小便不利舌上如胎者以十

田有熱胃中有寒渴欲得水而不能飲口燥

頭痛鼻塞而煩其脈大自能飲食腹中無本

是風雨山澤氣中之令人成此疾第三風濕

脉但浮肢體痛重難轉側額上微汗身微腫

不欲去被憎寒慄此論風濕也風濕之證仲

景云一身盡痛發熱日晡

所刺此名風濕此病傷於汗出當風或久傷

取冷所致也故其脉浮額上有微汗不欲去

被發汗漿漿欲潤身風濕俱去斯為得

也相搏一身疼痛法當汗出而解值天陰雨

不止醫云此可發汗汗之病不愈何也答曰

發其汗汗大出者但風氣去濕氣在是故不

愈也治風濕者發汗微微出者則是風濕俱

去者防已黃耆朮附湯對證用之醫可必已

防已黃耆朮附湯皆治風濕自汗

黃耆湯朮附湯

皆治風濕自汗

第二十九證兩種瘧歌

發熱惡寒頭項強腰脊分明似反張瘈瘲口

噤如癩狀此名瘧病是其常仲景云病身熱

惡寒時頭面赤目脉赤獨頭面先感風寒後

搖卒口噤背反張者瘧病也

感濕沉遲弦細脉相當仲景云太陽病發熱

千金云太陽中風重感於寒濕則變瘧病也

仲景又云太陽發汗太多因成瘧孫尚云病

熱而脉沉細有汗不惡名柔瘧無汗惡寒名

者難治也

曰剛無汗葛根有汗桂二瘧皆宜續命湯無

齒皆陽熱承氣湯宜下最良以上皆熱證亦

名陽瘧并陰瘧名異實同安可忘瘧音咸經

異實同也

第三十證四證似傷寒歌食積虛煩脚氣

食積虛煩并有痰更兼脚氣似傷寒四家病

證雖云異發熱憎寒却一般此四證雖非傷寒然發熱憎寒

則同當以中脘寒痰胃痞滿脈浮自汗體難

乾此痰證也有痰則胃食積令人頭必痛身

不疼兮積證端氣口緊盛傷於食心煩脈數

嘔吞酸此食積也食積則身不疼但嘔惡吞

口緊盛虛煩之脈不緊實但覺身心熱與煩

身不疼兮頭不痛唯宜竹葉便須安孫尚云

傷寒相似但得病二三日脈不浮不惡寒身

不疼痛但熱而不煩不可發汗發汗必危損

亦不可下下之必危損唯可服竹葉湯主之

又有脚氣之為病大便堅硬足行難兩脛腫

滿或枯細莫與傷寒一例看此論脚氣也脚

腫痛兩脛或有腫滿或有枯細者方其
發時亦發熱憎寒嘔惡似傷寒證候也
第三十一證可汗不可汗歌

脉浮唯宜以汗解春夏用之何足怪仲景云

以汗解又云大風若傷衛屬桂枝寒傷榮血

法春夏宜汗仲景云風則傷衛寒則傷榮桂枝傷榮屬麻黃二藥雖均曰發汗

麻黃快桂枝傷榮屬麻黃二藥雖均曰發汗

自有淺項強几几葛根湯心間水氣青龍對

深也仲景云項背強几几者用麻黃葛根少陰亦

湯心下有水氣者小青龍湯主之仲景云少陰病

可微發汗附子麻黃泄其外仲景云少陰病

黃附子甘草風濕發汗惡淋漓風氣去兮濕

湯微發其汗惟要微微似欲汗出若大汗大抵尺遲汗為

氣在唯宜浥潤徧周身濕氣風邪俱已退風

逆自此以下皆不可汗也仲景云尺中微弦

濡弱斯為害仲景云微反在下弦反在上弱

汗則寒少陰沉細病在裏少陽弦細却主內

慄至矣仲景云少陰脉沉細數病在裏不可發汗又

云傷寒脉弦細頭痛發熱此屬少陽少陽不

可發兩厥若汗必舌萎厥不可發汗發汗則

得四動汗之還窒礙仲景云動氣在上動氣在

前皆不瘡家汗之必成痙淋家汗之便血殺

衄家汗之額上陷咽乾汗之咽却隘仲景云

身疼痛不可攻其表汗之必痙淋家汗之必

不能眠咽乾燥者不可發汗王
寔傷寒證治皆用小柴胡湯
亡血汗之必

寒慄仲景云亡血不可發汗
仲景云汗發汗則寒慄而振
汗家重汗精神憊

仲景云汗家重發汗必少陰
少陰強汗動經血
仲景云

云少陰無汗而強虛煩壞病
尤須戒虛煩壞
仲景云

發之必動其血
病皆不可發汗宜
月經適斷適來時切莫動

經成冒昧此小柴胡證發
則鬱冒不知人

第三十二證可下不可下歌

宿食不消當下之寸口浮大尺中微
人病有宿食何

以別之師曰寸口脈浮大按之反澁
陽明關尺中亦微而澁當下之承氣湯主之

熱蘆薈證仲景云陽明痰熱在裏身
譫語柴

胡湯最宜金匱云汗出而譫語者有燥屎在
胃中此風也過經乃下之宜大承

氣湯大結胃大陷胃圓對瘀血抵党不可遲
柴胡湯

結胃宜大陷胃下之大便堅硬惟承氣痞氣
瘀血宜抵党元下之

瀉心湯勿疑大便堅硬宜下以承氣湯
瀉心湯脈若

陽微下則痞微不可下下之則心下痞堅
自此以下不可下也金匱云陽

或兼虛細更難之仲景云脈微不可
結胃浮

大下之死金匱云結胃證其脈浮
四逆若下

命傾危金匱云四逆厥者不可惡寒自是有
下下之則死虛家亦然

表證惡寒者表證嘔吐仍兼胃氣虧中景云

不可不轉失氣必溏利仲景云陽明病不大

欲知之法可與小承氣湯若不轉失氣者此但頭

硬後必溏陽明自汗下難為利此為津液內

泄雖堅不可攻咽中閉塞尤須忌玉函經云

不可下下之則上輕下跌陽浮數已虛脾景仲

重臥則欲蹇身急痛下跌陽浮數則左右上下

有動氣更在調和子細醫仲景云動氣在石

咽燥鼻乾頭眩心悸動氣在左下下之則腹滿

向急動氣在上下之則掌握熱煩動氣在下

下之則腹滿卒起頭眩

第三十三證可吐不可吐歌

傷寒大法春宜吐仲景云大宿食不消胃滿

在玉函云宿食胃中鬱鬱兼有涎寸口微數

知其故玉函云胃上結實胃中鬱鬱而痛不

十餘行其脈反遲寸口微滑此脈微若吐大

為逆吐虛細不可下少陰寒飲無增劇仲

云少陰病其人飲食入則吐心溫濕然欲吐

復不得吐始得之手足寒脈弦遲此胃中實

誤吐內煩誰受責 玉函金匱云四逆病厥不吐虛豕亦然又云太陽病強吐之則內煩論此皆不可吐者也

第三十四證可火不可火歌

中風忽然被火劫咽爛發黃津液竭 仲景云太陽中

風以火劫發其汗邪風被火劫血榮微血弱氣流洗其身則發黃至於咽爛矣

與燒針煩躁昏迷并發熱 仲景云其脈沉者榮氣微也加燒針

則血留不行更發熱而煩躁也 陽明被火必怵惕 玉函云陽

加燒針者 太陽被火必清血 仲景云太陽以

其人必清血 少陰火劫小便難強責汗時

翻作孽 被火劫故也小便必難為強責少陰汗故 或致虛煩不得眠或致發黃中鬱結或

致下血如豚肝或致謔言語無節 仲景云陽

針則煩躁不得眠陽明病被火劫額上汗出必發黃痠熱在膀胱蓄結成積則下血如豚

肝太陽陽明被火劫必謔語 此皆誤火之為病切須子細

加分別張苗欲汗外迎之却取燒蒸布桃葉

陳廩丘問張苗連發汗不出如何苗云亦可燒地布桃葉蒸濕之氣於外迎之可得汗也

第三十五證可水不可水歌

大易汗後不得眠少與水飲當自全 仲景云太陽病

發汗後若大汗出胃中乾燥煩而不能厥陰
 眠其人欲飲當時飲之胃中和則愈矣厥陰
 煩渴思得水斟量多寡亦如然仲景云厥陰
 者與水飲霍亂思水五苓妙嘔吐思水猪苓
 之則愈也仲景云霍亂頭痛發熱身體疼痛熱多飲
 疥水五苓散主之又云嘔吐而病在膈上後
 必思水者急與過多反病成喘咳小舌龍證
 猪苓散飲之也下成胃冷應知嘔噦仲景云胃中虛冷其
 喘咳人不能食飲水則噦
 水嘔皮上有粟起仲景云病在陽當以汗解
 而反以水嘔之若灌之其
 人熱却不得去益煩仲景云水洗結胃熱可憐仲景
 皮上粟起者是也玉函
 云結胃身熱以水寒氣得水即成餽
 洗之灌之則益熱餽音臨

也仲景云寸口脉浮大醫乃不知而反飲冷
 水令汗大出以得寒氣冷必相搏其人即餽
 可否醫工要達權

第三十六證可灸不可灸歌

少陰吐利時加嘔手足不冷是其候口中雖

和背惡寒脉來微澀皆須灸仲景云少陰病

不逆反發熱者不死脉不足者灸厥少陰七

壯又云少陰一二日口中和背惡寒者當灸

之又云下利脉微澀陰毒陽虛汗不止腹脹

者灸厥陰可五十壯腸鳴若雷吼面黑更兼指甲青速灸關元應

不謬宋迪陰證訣云陰毒汗不止腹脹腸鳴

至三微數之脉却慎之因火為邪恐難救景仲
 百壯微數之脉慎不可灸因火為邪脉浮熱甚
 云微數之脉慎不可灸因火為邪脉浮熱甚
 則為逆逆骨傷筋血難復也
 灸為難唾血咽乾誠戾繆仲景云脉浮熱甚
 以虛治因火而動咽燥必吐血
 自微數之脉以下皆不可灸也

第三十七證可針不可針歌

太陽頭痛經七日不愈再傳成大疾法中當
 刺足陽明可使不傳邪氣出仲景玉函云太
 日自當愈其經竟故也若欲再傳桂枝服了
 者刺足陽明使經不傳則愈也
 煩不解風府風池刺無失桂枝湯而反煩不

解者常先刺風池風府却經來經斷刺期門
 與桂枝湯服之則愈也
 正恐然邪居血室仲景云婦人中風經水適
 室者刺期門隨項強當刺大椎間脉有縱橫
 其虛實而取之
 肝募吉項強而眩當刺大椎第一間又曰肝
 乘脾名縱肝乘肺名橫皆婦人懷身及七月
 當刺期門期門肝募也
 從腰以下如水溢當刺勞宮及關元以利小
 便去心實仲景玉函云婦人傷寒懷身腹滿
 太陰當養不養此心實當刺大怒大勞并大
 勞宮及關元穴小便利則愈
 醉大飽大飢刺之逆焯焯之熱漉漉汗渾渾

之脉安可失素問云無刺熇熇之熱淺深分

寸自依經此道相傳休秘密

第三十八證傷寒可溫歌

大抵冬宜熱藥溫大法冬宜下利少陰有二

門仲景云法中可溫者有九證腹滿身痛先

救裏仲景云病發熱頭痛脈反沉若不差身

腹滿身痛先救裏體更疼痛用救其裏四逆湯又云下利

溫其裏宜四逆湯脈來遲緊痛仍存仲景云

遲緊而痛未止者當溫少陰上有寒飲仲景

之得冷者滿而便腸垢少陰上有寒飲仲景

云少陰病其人飲食入則吐心中溫溫欲吐

復不得吐始得之手足寒脉弦遲若膈上有

寒飲乾噦者切或加嘔利病難分脉沉微澁

不可吐常溫之如斯證四逆理中湯可溫仲景云少陰下利

者必數更衣反少當溫之又云脉沉者急當

溫之宜以四逆湯仲景玉函云諸溫者可與

湯熱藥治之

第三十九證發熱歌

太陽發熱惡寒慄陽明身熱汗自出少陽發

熱多乾嘔三陽發熱證非一仲景云發熱而

也大抵三陽多發熱太陽證云啻啻惡寒翕翕發熱則自

少陽發大抵寒多為易治熱多寒少因寒極
 寒極生熱故熱多者寒之解熱大小柴胡湯
 極寒多者病淺故易治焉
 更看淺深為妙術若發熱無表證當用大小柴胡湯熱淺者宜小柴胡
 執深者宜大柴胡小柴胡解肌大柴胡三陰初
 胡正下之也當以外證內脈為之準
 無發熱證唯有少陰兩證實脈沉發熱屬麻
 黃裏寒外熱宜四逆仲景云少陰病始得之反發熱脈反沉者味黃
 細辛附子湯主之又云少陰病下利清穀裏寒外熱手足厥逆通脈四逆湯主之
 第四十證潮熱歌
 潮熱為實當與下仲景之言可憑藉仲景云潮熱者

當宜下更看脈息浮與沉若但弦浮應未
 也浮為在表沉為在裏若但惡寒脈浮表證
 在與小柴胡湯勿下仲景云陽明病有潮熱若汗出多而微惡寒其
 熱不潮勿腹滿不通小承氣但和胃氣無多
 與承氣湯仲景云若腹滿而不大便者可與潮熱之
 瀉小承氣湯微和其胃氣勿令大下
 證有三說皆屬陽明小柴訣一則潮熱且吃
 噫二則微熱或溏泄仲景云陽明中風脈弦浮大而短氣腹都滿脇
 下及心痛久按之氣不通鼻乾不得汗其人
 嗜臥一身及目悉黃小便難有潮熱時時噦
 實與小柴胡湯主之又云陽明病發潮熱大
 便溏小便自可而胃協滿不去者小柴胡湯

之主則日晡發其時發已微利增嘔噦乙
乙發潮熱若劇者發則不知人乙太陽亦有一證
乙存惟是結胃發潮熱而復下之不大便五六
乙日舌上燥而渴日晡所小有潮熱從心
乙下至小腹堅滿而痛者宜與大陷胃湯

第四十一證往來寒熱歌

陰陽相勝互爭強往來寒熱亦何常先寒後
 熱為陰盛先熱後寒責在陽陰陽交爭故往
 故先寒後熱陽氣勝故先熱後寒也此疾大約有三證大小柴
 胡薑桂湯中風胃滿不欲食心煩喜嘔小柴

良仲景云中風主來寒熱胃脇苦滿熱結
然不欲食心煩喜嘔小柴胡湯

在裏十餘日却是大柴胡克當仲景云傷寒
十餘日熱結

在裏往來寒熱者已汗復下胃脇滿柴胡薑
 宜大柴胡湯論

桂保安康仲景云傷寒五六日已汗而復下
嘔但頭汗出往來寒熱者

柴胡桂枝乾薑湯主之

第四十二證汗之而熱不退歌

已汗復下脉加躁不食狂言謾祈禱此證謂

之陰陽交死候難醫不可道素問云汗出而
輒復熱脉躁病

不為汗衰狂言不能食病名為何也日病名
 陰陽交者死人所所以汗出者皆生於穀穀

主於精今邪氣交於骨肉之間而得汗者
 邪却而精勝則當食而不熱熱者邪氣也
 汗者精氣也今汗出而輒復得汗脉靜自然
 熱者是邪也其死可期得汗而脉靜者死
 生汗後復熱命難保者生躁者死脉若浮數
 可再汗沉實之時下為好之浮尚可汗沉貫
 尚可風溫之候屬萎蕤風溫自汗而虛煩竹
 下之風溫之候屬萎蕤熱屬萎蕤湯而虛煩竹
 葉湯為寶虛煩自汗出而熱更看虛實治為
 宜可細斟量休草草淳于意診齊中御府長
 陽交者死今切之不交併陰陽者
 脉順清而愈其熱強未盡猶活也

第四十三證下之而仍發熱歌

病人脉微來又濇誤汗誤下皆為失脉微則氣虛脉
 濇則血少二者不可汗下既下既汗亡陽斯
 而又汗榮衛皆虛故發熱也既下陰虛者陽必勝之既
 惡寒又下陰微還熱極陰虛者陽必勝之既
 分所以內外皆熱素問云陽虛最忌陰陽皆
 則外熱陰虛則內熱故熱極也既下陰虛者陽必勝之既
 已虛熱又不止病斯亟更有勞復并食復失
 於調治并將息既下之後必須身涼今下之
 有勞復食復二證勞復謂病後用力新差血
 食復謂飲食過度失於謂治之所致新差血
 氣尚虛羸勞復生熱無氣力勞復則無脾胃
 尚弱食過多食復發熱還憎食食復則發熱

臭小柴枳實梔子湯數者用之宜審的

第四十四證惡寒歌

惡寒發熱在陽經無熱惡寒病發陰仲景云發熱而

而惡寒恐病發於陽也無熱陽宜發汗麻黃輩

陰宜溫藥理中寧發於陽宜桂枝麻黃青龍輩發於陰宜四逆理中也

嗇嗇惡寒桂枝證仲景云嗇嗇惡寒餽發熱桂枝湯證汗後

惡寒虛不任汗後惡寒虛也脈微惡寒不可下尚宜

發汗莫令深脈微不可下雖發汗亦可也亦有頭汗惡

寒者柴胡加桂直千金頭有汗而惡寒者仲景用小柴胡加桂湯

汗已惡寒心下痞附子增加入瀉心仲景云心下痞而復惡寒汗出者附子瀉心湯主之

第四十五證背惡寒歌

背陽腹陰各異位陽弱惡寒多在背素問云背為陽

腹為陰背惡一則三陽合病生仲景云三陽合病額上生

汗背惡寒一則少陰寒在外仲景云少陰病者是其證

中和背惡寒者當以欲識陰陽病不同口和

不和各分配仲景云背惡寒口不仁者三陽合病也又云口中和背惡寒者

也少陰合病口燥并不仁白虎抑揚是其對仲景

以白虎治背少陰口和須灸之附子湯兼陰
寒抑退陽也
自退解在上

第四十六證厥歌

有冷厥有熱厥脉證當須子細別冷厥纔病
四肢冷脉但沉微身不熱冷厥初得病便覺
四支逆冷脉沉而
微身不足多攣卧并惡寒引衣自覆仍不渴
甚熱也
仲景云凡厥者陰陽之氣不相順接便為厥
厥者手足厥冷是也故多足拘攣外惡寒引
衣自覆熱厥身熱頭且痛三四日內厥方發
不煩渴
半日之間熱復回揚手擲足煩躁列熱厥與
冷厥本

自不同冷厥才病便厥熱厥必四五日內方
發半日之間熱復來也揚手擲足心中煩躁
要之熱深厥亦深熱微厥亦微相侵仲景云
傷寒一

二日至四五日厥者必發熱前厥者後必熱
厥深熱亦深厥微熱亦微厥應下之而發汗
者必口血氣不通手足冷醫人不識却疑陰
溼爛赤

其脉沉伏而更滑頭面有汗指爪温急便下
之安可慢不然疑似禍相仍沉伏而滑伏熱
在內也四肢雖

厥指爪必温皆陽又有正汗來相逼兩手一
實也急下之則愈
手忽無脉手足厥冷面不澤細辛甘草湯脫

厄朱肱云忽然兩手一手無脉手足厥冷者
恐是正汗來故有此證用細辛甘草湯以

助其汗汗心下怔之成切怔 忪職容切心動

厥有水脉緊厥時邪在裏仲景云傷寒厥而

常與茯苓甘草湯以治厥不介其水入胃必

利又云病者手足冷脉乍緊者邪結在胃心

下滿而煩即不能食病在發熱七八日身冷

胃中當吐之宜用瓜蒂散仲景云傷寒脉微而厥至

此名藏厥為難治七八日膚冷其人不安

此為藏厥非虵厥也 虵厥者其人常吐

病發於陽下之早熱氣垂虛心燥燥仲景云

陽而反下之熱入因作結胃按之石鞭頭項

所以成結胃者下之早故也

第四十七證結胃歌

強此是結胃證分曉仲景云結胃者頭項亦

又云其脉浮緊心脉浮與大未可下先汗後

下無顛倒不可下下之則死 熱毒上攻結在

胃枳實理中應恰好先與理中加枳實佳 大

抵結胃有三說大結小結并水結有大結胃

有水結胃仲景云但結胃無太熱者此為更

水結在胃脇也但頭汗出者大陷胃湯治更

有寒熱二證存熱實寒實宜區別仲景云太

下至小腹滿痛不可近者大陷胃湯主之此

大結胃也又云小結胃病正在心下按之痛

傷寒結胃熱實脉沉緊心下痛大陷胃湯主

之此物小胃湯白散亦可服此寒實者此
 外有證名臟結脉浮關小沉細絕食如故時
 時下利寸脉浮關小細沉緊名舌上滑胎不
 日藏結舌上白胎滑者難治也
 可醫痛引陰筋當死別有瘡而在臍傍痛引
 小腹入陰筋者結胃之狀如瘵病從心至臍
 此名藏結死也
 不可近云從心以下至臍不可近大陷胃湯
 主心中懊憹并躁煩陽氣內陷非虛斬斲居
 之固也仲景云胃內拒痛胃中空虛客氣動鬲
 短氣煩躁心中懊憹心下因硬則為結胃也

第四十八證痞歌

痛為結胃否為痞音被關脉皆沉本同類仲景

云發於陰而反下之因作痞仲景傷寒論云

病發於陽而反下之熱入因作結胃病發於

陰而反汗之因作痞蓋痛則為結胃不關上

痛則為痞結胃與痞寸脉浮關脉皆沉

若浮且瀉心上浮者大黃黃連瀉心湯主之

發渴煩躁五苓對仲景云心下痞與瀉心湯

利者用五桔梗枳實湯最佳先與服之使行

氣湯晉人治痞氣多作桔梗枳實下利雷鳴心

下硬甘草瀉心湯可治仲景論中瀉心湯加

心湯乾嘔食臭脅下有水氣者生薑瀉心湯
雷鳴心下硬心煩不得安者甘草瀉心湯也

第四十九證發黃歌

寒濕在裏不能散熱蓄脾中成此患濕熱宿
穀更相搏鬱塞不消黃色綻巢氏云寒濕在裏則熱蓄於脾
胃腠理不開瘀熱與宿穀相搏煩鬱不得頭
消則大小不通故身體面目皆變黃色仲景云但
面有汗劑頸止渴飲水漿曾莫間頭汗出餘
處無汗劑頸而還小便滑緊數脈來時茵陳
便不利身必發黃也五苓散皆可用之痰血之證亦相
五苓皆可選茵陳蒿湯痰血之證亦相
類大便必黑此其異血證其間多發狂要須

辨別無乖戾

發黃與瘀血其證相似者因於

不利瘀血則小便利小腹硬滿大便黑色仲

景云太陽病六七日表證仍在脈微而沉及

不結胃其人發狂者以熱在下焦少腹當硬

滿小便自利者下血乃愈所以然者以太陽

隨經瘀熱在裏故也又云小便白虎之證亦

自利其人如狂者血證諦也

身熱大率異同難辨別白虎不能遂發黃蓋

為周身汗發越白虎與發黃證亦相似但白

證則餘反無更有中濕并中風發黃大抵亦
汗劑頸而還
皆同濕則薰黃身盡痛目黃風中氣難通仲景
云濕家之為病一身盡痛發熱身色如
黃黃又有中風黃者但目黃氣難通也

醫方類聚卷之三十三

醫方類聚卷之三十三
黃風中...
大...
...

